

CHRISTIANI ADOLPHI

KLOTZII

MISCELLANEA

CRITICA.



TRAIECTI ADRHENUM.

Apud Viduam W. KRONII

ET

W. H. KROONIUM,

MDCCLXIII.



THE
LIBRARY
OF THE
MUSEUM
OF
ART AND
ARCHITECTURE
OF THE
CITY OF
NEW YORK



PRAEFATIO.

Animadverti ego saepe, valde tenuiter homines de iis libris existimare, in quibus veteres auctores emendantur, compluresque sibi molestissimam illorum lectionem videri dicere memini. Atque ipse non nego, vebementer mihi displicere Criticorum quorundam institutum, qui, quascunque ipsis, scriptorem aliquem legentibus, dea nescio quae insusurravit, coniecturas, neque necessarias illas, neque semper ingeniosissimas, calide proferunt, non causas, cur mutandum censuerint aliquid, edunt, non aptis exemplis aut rem illustrent, aut suas opiniones confirmant, somniorum non suavissimorum interpretationem ipsius lectoris ingenio relinquunt, praeter Manlianum illud dele & lege nihil admodum addunt, immensisque ferculis apposis, quibusque vel Polypbemus aliquis suffocari possit, ipsa copia lectoribus fastidium movent. Quibus quemadmodum annua haec munuscula, (nam
* 2 *quid*

P R A E F A T I O.

quid facilius, quam quotannis stramineum eiusmodi libellum edere?) lubenter remissuros esse viros doctos arbitror, atque etiam horum librorum lectionem parum utilem & iucundam esse puto, ita, qui aliam doctissimorumque hominum exemplis commendatam rationem sequantur, atque ab istorum ieiunitate & fame, audacia etiam & crudelitate, abhorreant, omnino laude dignos iudico. Non solum enim valde acuitur ingenium legendis examinandisque eiusmodi opinionibus, multaque addiscuntur egregia, sed mirifice etiam formatur iudicium illud de his litteris, quod sensum venustatis, aut si mavis, gustum, appellamus. Quare cum hae litterae, ut verissime a Quintiliano dictum est, solae omni studiorum genere plus habeant operis, quam ostentationis, eadem fortasse gratiae Musis & Fortunae pro Criticis agenda sunt, quas pro Lexicorum conditoribus quemdam Deo egisse Bolingbrokeus * facete scripsit. De nostro instituto non opus

* I approve therefore very much the Devotion of a Studious man at Christchurch, who was overheard in his oratory entering into a detail with God, as devout Persons are apt to do, and amongst other particular thanksgivings acknowledging the divine Goodness in furnishing the world with Makers of Dictionaries. *Lettr. 1. p. 6.*

P R A E F A T I O.

pus est ut multa dicam. Quid spectaverim, quos secutus sim, facile quivis intelliget. Complures quidem opinionum nostrarum in Aëtis Eruditor. Lipsi. (in quibus principes operas longe melioribus auspiciis collocassem, si Therfitem Amstelaedamensem

Ὅς ῥ' ἔτια Φρισι ἦσαν ἀκοσμά τι πολλά
 τι ἤδη
 Μὰψ, ἀτὰρ οὐ κατὰ κόσμον ἐμζέμεναι

laudassem) ibi igitur complures proposui quidem, sed & reieci alias, alias mutavi, omnes copiosius explicui, & novas addidi non paucas. Quoties a viris doctis diffensi, modeste, ut & mea natura fert, & bonum studiorum elegantiam decet, illud feci. Si quis hac libertate, hoc diffensu offendatur, nae ille acerbior est, & legem iniquam miseramque conditionem harum litterarum studiis instituit. Si quis, quod tamen vix credo fieri posse, atrocius nobiscum agere nosque ad pugnam provocare velit, illum gladiatorem sine adversario victoremque, me non modo non repugnaturum sed oblaturum etiam palmam, fore praedico. Sic enim existimo, sic mihi persuasi, parum utilitatis ex his concertationibus redun-

P R A E F A T I O.

Audare, nihilque magis agrestibus quorundam Criticorum moribus & feritate nostrarum literarum laudem & decus obscurare atque deprimere. Qua de causa manebo etiam in proposito, quod nuper professus sum, istumque meum; quanquam quid dico meum? istum omnium bonorum inimicum contemnere pergam. Quemadmodum Aristotelem cuidam, qui multa nugatus fuerat, excusanti se quaerentique, an molestus fuisset, respondisse legi: non mebercule! non enim attendi, ita etiam istum iurisconsultissimum Herculem parum me commovisse sentio convictorum fordis & spurcitiis. Melius profecto est, hominem istum, omnibus vitiis contaminatum, irato Genio & Deo vindici nefariorum scelerum relinquere, quam diutius eiusdem improbitatem & imperitiam castigare, adeoque hominem ad insaniam, a qua non procul abest, redigere. Quod vero multa de me mentitus, quod maligne verba mea interpretatus est, quod mala fraude quamplurima loca e scriptis meis excerpserit & corripuit, quod operarum errores, eosque dudum a me indicatos, mihi tribuit, neque irascor, neque aegre fero. Neque enim hominem hoc malo animo fecisse, sed ebrietatem istius menti oculisque caliginem offudisse credo. Quod denique me turpissimis conviciis petiit, non mi-

P R A E F A T I O.

miroꝛ. Insitum hoc animo istius malum est, innatum, auctum scurrarum consuetudine, quibuscum in deliciis & mollitiis aetutulam egit, quodque non facilius exuet, quam aut rabidus canis latrandi aut truces ursti murmurandi lubidinem. Esti igitur iste omnium odio dignus sit, miseret me tamen hominis omnium perditissimi, cuius conviciis nihil unquam respondebo, quem aeternum valere cupio, quem, ut capripedem, ad cuius similitudinem scitula forma proxime accedit, Satyriscum in ocellum utrumvis inter lagunculas, ferulas, chartulas, corollas dapsiles, libellos, calamos, caliculos conquiescere, stertere, aut, cista absconditum lepidissime grunnire iubeo. Mihi istam, siue conviciandi rixandique libidinem, siue, dignam Grammatici supercilio, intrepidi animi virtutem, siue quocunque rem nomine appellare volueris, si virtus est, deesse, si vitium, abesse, lubenter fateor, nihilque ego pluris aestimo aestimaboque unquam conscientia mentis meae, quam a Deo accepi, quam nemo mihi suo clamore eripiet aut labefactabit, quaeque quamdiu mihi bonorum consiliorum & factorum testis erit, hilaris semper, laetus & cum honestate vivam.

Γραμ.

P R A E F A T I O.

Γραμματικῶι Μάμου τῆς τέχνης ἀπαί-
των

Τελχεῖς βίβλων, Ζηροδότου ἑκτάλας
Συνδίσμων λυγρῶν θηρητορες, οἷς τὸ μὲν ἦ
σφιν

Ἐναδὶ, καὶ ζητεῖν εἰ κῆρας εἶχε Κύκλας·
Τρίβας δ' εἰς αἶσα κατατρίζοντες ἀλιτροί
Ἄλλον· εἰς δ' ἡμᾶς ἰὼν ἀποσβέσατε.

CHRIS-

CHRISTIANI ADOLPHI KLOTZII MISCELLANEA CRITICA.



C. A. P. I.

*Anacreontis locus vindicatur, in Hesiodo
vulgata lectio defenditur.*



æpe mihi animadvertisse videor, præ
aliis Gallicos Criticos corrigendis mu-
tandisque veterum auctorum locis in-
genii gloriolam aucupari, idemque
hanc rem plerisque infeliciter cedere intellexi.
E multis, quibus abundant *Acta Academiae Parisi-
nae Inscriptionum* unum exemplum proferam. Apud
Anacreontem in C. IV. ἡς ταντὸν editiones exhi-
bent:

Πρὶν, ἰρῶ σε, δεῖ μ' ἀπαιθεῖν

ὑπὸ νυκτῶν χορείας.

Ξεδάσας θύλα μαρίνας.

Displicet hæc lectio Sevino, qui in T. II. *Actor.*
n. 25. corrigit: χορεύσας: cūrqs saltatione dissipare
volo. Videamus, quam recte. Primum constat e
veterum opinione choreas in elysio celebrari. Sic
apud Virgil. *Aen. VI.* vs. 644.

Pars pedibus plaudunt, choreas. Et carmina dicunt,
& Tibull. I, 3, 59.

Hic choreæ cantusque vigent —

Hic iuvenum series teneris immixta puellis.

Ludit.

A

vid.

vid. Cuperum, in *Monim. antiqu.* p. 240. & in
addend. p. 293. inspicatur *Valer. Flacc. Argon.*
I. ex. 17.

ubi thiasique chorique virorum.

Carminaque.

At, dicit, Sevinus, Anacreon nullam immorta-
 litatem credidit, sed animum una cum corpore
 putavit extingui. Ita etiam sensisse videtur Bar-
 nesius, ut ex Baxteri notis conicio, cuius verbis
 utamur etiam ad Sevinum refutandum: *Vnde novis*
hoc fuisse Anacreonti ironice prolatum, atque illum
nullos credidisse manes more sui seculi? Praeterea
 etiam Anacreontem credidisse tartarum & inferos
 apparet e *C. LVIII.*

Δία ταῦτ' ἀνασάλυζα.

Θάρκα, Τάρταρον διδραμύ.

Αἶδω γὰρ ἐπὶ δεινός.

Μυχός, ἀργαλίη δ' ἐς αὐτόν.

Καθόδοι. κ. λ.

Quid clarius? Minori mutatione scribere potuis-
 set Sevinus *χορμῶς*. Sed nihil mutandum esse patet.
 Porro in Hesiodi *ἔργων* vs. 299.

Ἄλλα σὺ γ' ἡμετέρης μεμνημένος αἰὲν ἐφειμῆς

Ἐργάζεο, Πέιση, δῖον γένος.

non probat Sevinus τὸ δειν, quod verbum non tri-
 bui posse fratri, eique saepius reprehenso, & ho-
 minibus tantum vel natalibus vel rebus gestis cla-
 ris dari existimat. Sed ut bene Clarkius ad *Hom.*
Od. M. 104. ubi δῖα χαρμῶς occurrat, notavit,
 quid-

quidquid quavis de causa eximium est, *Ita* dicitur. Idem hoc verbo hominem quovis nomine præstantem notari docet ad Od. 2. 22. & 3. ubi *Ita* *Ita* habemus. Vide eundem ad Od. 2. 1. & 11. Z. 16. ubi etiam ostendit, *Ita* non ad probitatem morum, sed ad pulchritudinem, nobilitatem, alia refertur, atque, præter Clericum ad Hesiodi locum, Stanleyum ad *Aeschyl. Prometheus* 18. p. 720.

C A P. I L

Minucii Felicis Octavii emendatur & illustratur.

Magna laude dignum est ingenium *Ia. Gotilieb Lindneri* Viri Cl. cui elegantem Minucii editionem debemus, e qua multo acumine, varia lectione & accurata Latinarum litterarum scientia virum optimum instructum esse facile intelligitur. Atque si minus *Lindnerum* amarem, si hanc amicitiam minus præ me ferrem, si maleuolorum mores parum nossem, qui laudes, quas amico tribuas, non veritati, sed amicitiae datas existimant, adderem plura de eius virtutibus. Nunc quidem lubet de aliquot Minucii locis sententiam meam dicere, & veniam orem Te, amicissime *Lindnere*? Dedit dabitque illam mihi humanitas Tua, de qua cogitanti mihi nunc totam hanc descriptionem iucundissimam fore sentio.

C. 1, 3. Dubitas, Vir Cl. an *discedere* simpliciter dicatur pro mori? Quidni? Nosti *abire* hoc sepsu frequenter legi, neque Te latet illud Festi: *Abitionem antiqui dicebant mortem*, ubi consulè *Scaligerum*. Sic etiam *Phaedrus*, III. 9. 16. *Abiru-*

rus illic, quo priores abierunt, Lucretius III. Denique saepe hominem paulatim carnimus ire. Quoties vero Graeci ἀπέραι & ἀπελθών sic dicunt? ut Aristides, pro Quatuorv. p. 248. ἐν ἡμετέριον Περικλῆς, καὶ μὴ πρότερον ὡς ποτὶ ἀπέραι. Et quoties Plato mortem vocat πέραιαν? πέραισθαι eodem sensu dici docet Esnerus, in obs. sacr. ad Luc. c. XIII. v. 33. p. 241. qui etiam ad Luc. VIII. 31. docet ἐλθόν & ἐλθάναι ita dici. Vid. Douglæ Anal. Sacr. P. I. exc. 97. Sic etiam ὀχέσθαι & ἐλθέσθαι est apud poetas idem, quod mori. Vide Casaubonum ad Laert. II. 4. & Io. Christ. Wolfium ad Poetiar. octo Fragment. p. 113. Et quoties pariter Antoninus, vi. II. 11. οὐκ ἔστι θανάτου ἐλθάναι τοῦ βίου & ἐξ ἀνθρώπων ἐλθάναι ubi plurimam contulit Gatakerus, quem etiam vide ad V. 29. p. 212. & VI. 56. p. 255. De verbo discedere vide Barthium ad Stat. Theb. VIII. 559. ubi etiam notat, Q. Septiminum discessum Herculis dicere pro morte illius. adde Pareum in Lex. Crit. p. 8. Cic. Tusc. I. 8. Sunt enim, qui discessum animi a corpore putent esse mortem, & ibidem, qui discedere animum censent, alij statim dissipari alij diu permanere, alij semper. Et de leg. I. Certe longe a tuis aedibus inambulans post excessum suum Romulus. Julio Proculo dixit se deum esse. Valla L. V. c. 95. de eleg. Eodem modo dicitur decessit, quo dicitur defunctus, ut subintelligatur vita. Vide etiam Torrentium ad Sueton. Aug. c. 101. Barthii aduers. l. XXXII. c. 9. & l. X. c. 20. atque Weizium ad Valer. Flacc. VII. 341. Heinsum & Burmannum ad Petron. c. 42. p. 259. Sed nimis multa de re nota.

C. 2, 5. Et cum eximia voluptate molli vestigio cedens arena subsideret. Cur Vir. Cl. τὸ molliς, quod Wowerus in edit. Rom. invenit, reuicis? Equidem

dem inter omnes interpretationes mihi fere nullam, minime vero Cl. Gruneri, perobscuram profecto & contortam, probari fateor. Lege vero *mollis*, & omnia erunt faciliora. Neque Te omissione particulae & offendi posse credo, qui eiusmodi exempla in Minucio frequenter occurrere nosti. vid. c. 3, 10 & alibi. *Mollis arena* bene dicitur, ut apud Ouid. *Amor. II. 12, 47. Inque tari formam molles sternentur arenae Met. II. 577. molli nequicquam lassor arena: & in Ibin. 423. Vsq. per alternos vnda habente recursus subtrahitur presso mollis arena pedi*, quem locum velim consideres & cum Minucii hoc compares. Paullumne nunc magis mea opinio Tibi arridet? *Vestigium* enim sumo pro ipsis pedibus aut plantis. Sic Statius *Theb. II. 11. It tamen & medica firmat vestigia virga*, ubi plura exempla collegit Barthius. *Tibull. III. 1. 13. Laeta Molörcheis posuit vestigia testis*, & ib. 2, 7. *quoquo vestigia mouit*, ubi vide elegantissimum Heynium in obseruat. vide etiam *Burmannum ad Ouid. Met. VIII. 570.*

C. 5, 5. *aut stuprare religiosum*] Attente hunc locum consideraui, examinaui etiam atque etiam verborum vim, neque tamen mihi hunc locum sanum esse persuadere potui. Rigaltius, ut notasti Vir Doct. interpretatur hoc verbum per: quasi stuprum terrae inferre, in viscera eius penetrando. Quis hoc probet? Si de homine sermo esset, qui thesauros in terra quaereret, qui aurum & argentum & metallum effoderet, tum fortasse facilius haec formula tolerari posset. At quo modo de inquisitione rerum naturae ita dicas? Tu vero *stuprare* explicas per corrumpere, quod tamen me non assequi fateor. Illud videris indicare voluisse: non religiosum esse haec scrutari, & inde multos erro-

res trahere eosque disseminare. Sed cogita quæso, an hæc significatio huic verbo tribui possit? Ciceronianum illud, *stupratum iudicium* & ad *agras asynura* pertinet, (nisi velis Tertulliani *stupratis moribus orientia theatra Apol.* c. 6. aut *adulteras de Strijas. de præscript. ado. hæret.* c. 6. vid. Cl. Heumannum in *AG. Erud. Lips. Suppl. T. VI. S. V. p. 199.* huc referre) & notionem corrumpendi longe habere videtur mihi aliam, quam Minucianus locutus. Video, quid Te ad defendendam hanc lectionem impulerit: modestia Tua & verecundia in mutanda codicum scriptura, quam religionem laudo vehementer. Neque tamen dubitabo; quid sentiam, dicere. Suspicio Minucium scripsisse *disputare*, quod compendio fortasse litterarum a librario primum expressum *distare* & deinde ab aliis in *stuprare* mutatum mihi esse videtur. Primum hanc mutationem non violentam esse, apparere arbitror. Deinde hoc modo sensus sit optimus. Considera totam orationis seriem: *ut neque, quae supra nos coelo suspensa, sublata sunt; neque quae infra terram profunda, demersa sunt; aut scire sit datum, aut scrutari permissum, aut disputare religio sum: i. e. cum non fas sit, non pii hominis & religiosi, disputare de illis, proponere in sermonibus, declarare &c.* Videtur ipse sensus tale verbum postulare. *Disputare* vero casui quarto adiuncti, satis notum est. Cic. *pro leg. Man.* c. 22. *libenter hæc disputarem. de Natûr. Deor. III. 40. & ea, quae disputavi, differere malui, quam iudicare. de Orat. I. 25. neque hæc in eam sententiam disputo.* Plaut. *Men. prol. v. 30. ut hanc rem vobis examussum disputem, atque sic etiam dicunt differere* vid. exempla apud Curtium ad Sallust. *Bellic. Catil. K. 9. instituta maiorum differere* & ad Cic. ep.

ep. VIII. 5, 4. adde Burmannum ad *Phaedr.* V. proh 12. & Drakenborch ad *Liu.* XXXI. 6. 4. & XXII. 54, 8. atque Bonemannum ad *La-
tant.* *Diu. Instit.* L. I. c. 1. 10. qui de eo dis-
ferere plures locos excitauit. Denique fac in me-
moriā reuoces simillimā loca Minucii XII. 7.
multo magis denegatum est differere diuina, & XVI. 6.
aegre se ferre imperitos de rebus coelestibus disputare
ib. 9. si quicumque de diuinis quaerat, sentiat, pro-
ferat, quum non disputantis auctoritas, sed disputa-
tionis ipsius veritas requiratur. Aliorum sciscitari
non probo, quoniam iam scrutari adfuit. Sed opti-
me Tu, Vir Cl. de mea coniectura iudicare poteris.

Ibid. 6. ultra humilitatis nostrae terminos euaga-
mur, & in terram proiecti coelum ipsum. & ipsa si-
dera audaci cupiuitate transcendimus &c.] Minucius
mihi videtur expressisse Horatiana l. 3. *Audax*
omnia perpoti gens humana ruis per vetitum nefas — nil
mortalibus arduum est; coelum ipsum petimus stultitia.

C. 7, 4. Curtius, qui equitis sui vel mole vel ho-
nore hiatum — coaequauit] Interpretaris Vir Cl.
equitis sui per mole suā qui equus erat. Sed ut libe-
re dicam non puto quemquam tam dura appositio-
ne uti posse, vide quae Heinſius ad *Claudian.* *Bell.*
Gild. 139. & Burmannus ad *Virg.* *Ecl.* 3. 3. 7,
16. & passim, dicunt. Si Minucius dixisset: qui
sui vel suā equitis, tum facilius tolerarem hanc le-
ctionem. Sed nihil certius esse puto sententia
Bormanni ad *Virg.* *Georg.* III. 116. ubi recte re-
prehendit, qui hoc loco equitis interpretentur per
equi, seque Wouwerii coniecturae: Curtius, qui
equi sui mole vel onere libenter accedere dicit.

C. 8, 3. Male agere puto, quicumque in illicita
mutent, nec causam video. Quidpi ethnicus
potuit Christianos illicitam factionem dicere, no-

CHRIST. ADOLPH. KLOTZII

eternas congregationes instituentes, ut paullo post Caecilius ait, deos despicientes, Sacra ridentes, plebem concitantes, aliaque agentes, quae vulgo ethnici calumniabantur.

Ibid. 4. Licetne dissentire Vir Clarissime? Romanos Christianos humanas carnes edere mentitos esse constat. Idem Caecilius crimen hoc loco profert: & *inhumanis cibis — foederantur*. Tu legis *humanis*, etiam ego sic legerem, si codicum adesset auctoritas. Quae cum refragetur, vulgatam defendere conabimur. Credo autem dicere posse *humanos* cibos, Caecilium *inhumanos*, id est, quos ipsa natura hominis respuit, a quibus homines abhorrerent, qui feras, non homines, delectant. Sic etiam infra c. 30, 4. *Mercurio Gallos humanas vel inhumanas victimas caedere*. Caue enim assentiaris ibi Cel. Héumanno, haec verba glossema existimanti. Rectius idem *vel pro vel potius* positum esse addit. Quintil. XII. 9, 10. *Turpis voluptas & inhumana & nulli audientium bono grata*.

Ibid. 6. *ita illis paurem fallax spes solatio rediuvno blanditur,*] Bene & acute hunc locum interpretatus es. Possis cum levi mutatione etiam sic corrigere: *ita illis paurem fallit spes solatio rediuvno blandita*. Sic etiam Ovid, *Met.* XIII. 121. *Cum duce Cumaea fallit sermone laborem* VI. 60. *studio fallente laborem* & III. 295. *studio minuente laborem*, ubi etiam codex vnus habet *fallente*, quod probo, atque etiam *Trist.* III. 2, 16. *Fallebat curas aegraque corda labor*. Plura habet Cortius ad Plin. V. 6, 14. Cum etiam codex praeferat *solatia rediuvna* possis legere *pro blandita mentita*. Sed ipse fateor, longius hanc mutationem a vestigiis scripturae recedere.

C. 10, 2. Sic etiam, apud Origenem contra Celsum

Celsum L. VIII. accusat Celsus Christianos *βωμολοχῆς καὶ ἀγῶνισμῶν καὶ νεῶς ἰδρύσεως φεύγειν*, ubi comparat responsum Origenis cum Minucii defensione.

C. 10, 4. *Romanis numinibus*] Censeo reponendam esse alteram eod. lectionem *nominibus*, quae verba passim a librariis commutata esse docet pluribus Drakenborch. ad *Sil. Ital.* XVI. 655. Burmannus multis exemplis ad *Virg. Aen.* III. 94. & Oudendorp ad *Lucan.* I. 403. Puto vero idem esse, quod *Romanis*, quae periphrasis simplicis verbi praecipue apud Livium saepe occurrit, ut *II.* 28. *Instigando suos quisque populos effecere*, ut *omne Volsorum nomen desiceret*, &c. 35. *Is tum princeps Volsi nominis erat.* vid. Barthii *Advers.* p. 2876. Heinsum ad *Quid. Epist.* II. 50. & Cortium ad *Sallust. B. J.* 39, 2. Sic etiam Graeci *ὄνομα* dicunt de personis, de qua significatione vide Raphelium in *Annotat. Polybian. ad Act.* I. 7, 15. Vides igitur, eundem esse huius lectionis sensum, qui est alterius: *hominibus*.

C. 12, 3. *non tum agnoscis fragilitatem? inuitus, miser, infirmitatis argueris, nec fateris?*] Pone, quaeso, interrogationis signum post *inuitus*, melior sententia videtur. Tu vero, haec ubi pateris, nonne vel contra voluntatem sentis & intelligis &c.

Ibid. 4. *ignes etiam, quos & praedicatis & timetis.*] Vide, Vir Doct. an scribendum sit *praedicatis?* i. e. felices vos existimatis, qui propter doctrinam Christianam igne comburamini, (ut supra, *spernunt tormenta praesentia*) timetis vero etiam hoc supplicium, atque ideo in occulto sacra facitis.

C. 13, 9. recte Wopkensius *et alteram tuetur.*

& pro alterutram poni docet. Vide Burmannum ad Ouid. *Art. III.* 520.

C. 16, 6. *Nec fortuna nactus, sed natura insitos esse sapientiam.* Placet mihi emendatio tua: *insitam habere*, & magis placet Cel. Heumannii coniectura. Sed *to habere* videtur mihi longius a scriptura codicum recedere. Turbarum fons videtur esse *to nactus*. Quare cogitavi, an forte passive sit sumendum, ut apud Hyginum frequenter, & *Fab. VIII.* occasione *nacta*, & *Fab. XXVIII.* qui ab *Apolline nacti* sunt interfecti, ideoque scribendum: *nec fortuna nactam, sed natura insitam esse sapientiam*, quemadmodum etiam non semel adeptus passive usurpatur. Vid. Barthii *Aduersar.* p. 1217. Poteris autem alio modo huic loco succurrere, si legas: *n. f. n. f. n. insignitos esse sapientia*. Quam facile *insitos* librarius scribere potuit, quod deinde in *insitos* transit? Certe inter omnes coniecturas virorum doctorum nostra minimum a ductu litterarum recedit.

C. 17, 12. Pulchre defendis V. D. *recta montium* contra correctores. Est enim hoc verbum hoc loco nihil aliud, quam *erectum*, de qua significatione praeclare disputat Oudendorpius ad *Lucan. II.* 509. vide etiam Burmannum ad *Ouid. Nuc.* 73. & ad *Petron. s.* 73. p. 467. edit. Sec. adde Barthium ad *Stat. Sil. I.* 2, 27. & *Theb. I.* 186. Sic *Theb. V.* 665. *Affuit Hippomedon rectoque Erymanthius enso*: notat Scholiastes Barthianus: *erecto*, ut *cuspidem* feriret. *Recta montium* dicitur, ut apud Apuleium *Met. I.* *ardua montium & hirsuta vallium & rescida caespitum & glebosa camporum*, aut apud Curt. *VII.* 11. *aspera saxorum*. vid. Scioppii *Verisim. III.* 1. res satis nota est.

C. 20, 3. Viam me. inuenisse arbitror componendi turbas; quas interpretes de hoc loco exci-
tauerunt. Mutandum; aut aliquid addendum esse
nego. Potius tantummodo distinctionem pono post
monstruosa. — *Ut temere crediderint etiam alia mon-
struosa. Mira miracula; Scyllam* — illis erat liben-
ter audiros. Videsne, doctissi. Lindpere, plana nunc
omnia esse & facillima?

C. 21, 1. Recte Tu edidisti: eadem mecum re-
cognoscere neque enim re re abundat, sed est ex-
plicandum: iterum cognoscere, in memoriam olim
nota reuocare, ut pulchre exponit Burmannus ad
Virg. Aen. VIII. 721.

*Ibid. 22. Exemplis quasi ut adde Apuleium A-
pol. I. Satyris, ut puto, crinium crimen, quod illi,
quasi ut capitale intenderunt, refutatum est.*

*Ibid. 15. Recte V. D. defendis lectionem bar-
barus locatur. Aliquoties ita Quidius dicit: ut
Fast. III. 615. Perque Deos comites, hac nuper
sede locatos: Ad Liu. 61. Ille vigil summa sacer ille
locatus in arcē. Ex Pont. III. 9, 129. Tu nostras
audis inter comuosa locatus sidera — preces. Etiam
in Metam. XV. 818. Ut Deos accedat coelo templis,
que colatur: habent alii codices locetur, quod omni-
no probandum est. Quintil. VII. Pr. 2. Neque
enim, quamquam fuisse omnibus membris, statua sit,
nisi colloceatur. Graeci fere ita dicunt ἱεῖρας ὡς χαλ-
κούς, χρυσοὺς ἱεῖρας τῶν vid. Stephanum Beysle-
rum ad *Alciphron. I. 30. χρυσοὺς καὶ σιχαίμην.**

C. 20, 1. Bene credo poetis tribui auctorita-
tem, non iis nostrae aetatis, quorum sacculus ple-
rumque plenus est aranearum, quique panem a-
trum ex iure hestetno vorant, (sed delectabantur
etiam iure atro sapientissimi homines Lacædaemo-
nii τῶν δι' ὅψων, ait Plutarchus, ἰσοδομί μάλιστα

παρ' αὐτοῖς ὁ μέλας ζυμὸς vid. Meursii *Miscell. Labon. L. I. c. 8*). Sed iis antiquis. Cogita primum, poet-
tas fuisse quasi Theologos veterum, eorumque car-
minibus totam religionem popularem contineri.
Cogita eos etiam fuisse Philosophorum principes
& sapientes dictos (vid. Petri Nanni *Misc. L. I. c. 5*. Manutium ad *Cicer. Tusc. Quaest. 1. 5*. Ca-
saubonum in *Animadu. in Aibn. L. I. c. 12*. &
Krebsium ad *Plutarch. περὶ ἀρετῆς p. 109*.) atque
σοφούς: vid. Olearium ad *Philostratum de vita A-
poll. Tyan. 1. 20*. & Lowthum de *Sacra poesi He-
braeorum, Prael. IV. p. 69. ed. Gotting.* (nisi velis
dicere, graece dici σοφόν, quicumque in arte ali-
qua, licet sit βάρβαρος, excellat. vid. *Dauisium ad
Max. Tyr. Diss. VIII. p. 96*.) quorum sententiis
plurimi disputationes suas distinguebant, quos
saepissime laudabant &c. Nihil dicam de auctori-
tate eorum apud Iētos. Nam quoniam illi con-
suetudines primi in carminibus descripserunt, qua-
si prima corpora iuris condidisse videbantur. Qua
de auctoritate poetarum vid. Strutzius in *dissertat.
de auctoritate Homeri atque Virgilli apud Iētos*.
Et addam Megareos cum Atheniensibus de Sala-
mine contententes Homeri versu victos fuisse?
Loca scriptorum collegit Clarkius ad *Homeri Il. B. 558*. Sati'n Tibi collegarum meorum auctoritatem
videor ostendisse? Sed fuimus eheu! Troes.
Quamquam etiam illud tenere debemus, esse ven-
trem ingenii largitorem, quod vere quidem dixit
Persius, nescio tamen an vlli collegarum suorum
persuaserit, quos si recte noui, non multum eos
abhorrere puto a Nicolao, Abbate Panormitano,
qui, auctore Erhardo ad *Petron. c. 135*. mentio-
ne librorum *de bono pauperum factis* in *Gloss. Jur.
Canon.* ita *ἐπιφώνει, Α, tali bono custodi nos Domine!*
Custodiat igitur poetas!

C. 23, 1. & *Juba Mauris volentibus Deus est.*] Recte Tu quidem Vir Cl. dicis, Mauros omnes reges suos habuisse pro Diis. Vide egregie & hoc & totam Iubarum historiam explicantem Ezech. Spanhemium in Immortali opere de *Praestantia & Ufu Numismatum* T. I. *Diff. VIII. 2. p. 543.* vbi inter alia dicit: id vero obiter praeterire hic non licet, eam Jubae filii, — venerationem apud Mauros post eius obitum resedisse, vt in Deorum numerum fuerit ab his continuo relatus. Id utique ab ecclesiasticis scriptoribus, Lactantio — ac Minucio Felice aperte traditur. Haec ille.

C. 23, 1. *Otiosum est ire per singulos.*] De hoc loco quid sentires, iam mihi per litteras Vir Cl. exposuisti. Mea sententia haec est. Clare apparet Minucium dicere; nolle se longiorem esse, aliorumque deorum historiam persequi. Iam puto minime hoc indicari hac formula, cui aliam vim tribuo: nempe; otium habeo ad reliqua describenda & explicanda. Hic mihi sensus verbi *otiosus* esse videtur. Quare puto nos vel sic rescribere debere: *otiosum est*, vel, quod malim, *otiosorum est*, quasi librarius scripserit *otiosum*. Et tunc foret sensus: Is, qui otio abundet, singula accuratius explicet; non ego. Prouocasti Tu quidem in elegantissimis litteris Tuis ad duo locos, qui Tibi fauere videntur. Sic, inquit, Tertullianus *Apol. c. 10.* *Nec ego per singulos deauram, tot ac tantos; novos, veteres, barbaros — militares;* (*otiosum est etiam titulos persequi*) — vt colligam in compendium. Num hic etiam pro *otiosum est* reponere audes *otiosorum*? vel apud Lactantium II. 4, 20. qui allegatis aliquot eorum exemplis, qui deos spreuerunt, addit: *otiosum est persequi singula.* Habent profecto haec aliquam vim. Sed ipsam naturam verbi

verbi huius, quaeso, Tecum considera. Quomodo potest idem valere, ac *otiosum* est? Attende locum Taciti *Annal. XIII. 3.* annotabant seniores, quibus *otiosum* est, vetera & praesentia contendere. Quid hoc loco *otiosum* est aliud, quam quibus otium est, quibus licet ob otium &c? Nonne igitur Minucius, si illud, quod Tu vis, dicere voluisset, scribere debebat: *non otiosum est?* Et quid, si etiam duo loci a Telaudai ob compendiarium scripturam corrupti fuerunt?

Id. 7. Sine fine digladiabuntur Critici, utrum praestinguere, an praestringere sit scribendum. In omnibus equidem locis, ubi hoc verbum occurrit, codices variare observavi. Vtrumque igitur auctoritate aliqua defendere poteris. Vide interim Drakenborch. ad *Sil. Ital. I. 358.* & Oudendorp. ad *Lucan. I. 154.* Arntzenium ad *Aurel. Victor. de or. R. c. 14.* & summum virum, Gesnerum ad *Quintil. X. 1. 30.* Copiosissime de tota re, quantum scio, egit vir olim egregie doctus Christ. Gotl. Schwarzius in *Observat. Philolog. ad Claudii Martellini Panegyf. p. 33.*

C. 24. 4. non opus est *re ridenda* quam multa ita capere, quasi sit exclamantis oratio, aut cum Cl. Heumanno signum, ut aiunt, exclamationis adscribere. Sumamus potius sic, ut saepe dicitur: *nuntium quam, oppido quam, satis quam,* de quibus vide Gronovium ad *Gell. V. 14.* & Pareum in *Lexico Crit.* sub voce *nimium quantum*.

C. 25. a nescio quo Pedris dedicata. Vide docte de hac re agentem Hadrian. Junium in *Animadversis L. III. c. 1.* Et quid miramur? etiam Lacedaemonii Mortis, Ritus & Timoris temple, Pudoris & Famis simulacra habuerunt. Vid. Meursium in *Mise. Lacen. L. I. c. 6.*

C. 26, 10. *Angelos* — *et usque Dei venerationi novit assistere*] nota versus auctoris carminum Orphicorum (quisquis ille fuerit) apud Clementem Alexandrinum *Strom. L. V. p. 608.* *Σὺ δὲ θεὸν πορεύεαι παραστῆσαι πολέμαρχοι δ' ἄγγελοι, οἱ μὲν μὲν, βρωτοῖς ὡς πάντα τέλειται.*

C. 33, 2. *Reges tantum regni sui per officia ministrorum, universa novete.*] Ego nihil muto. dele commata & *sed* tantum non adverbialiter, sed adiective per *tantillum* explicata, omnia erunt facilia, ut Apuleius *Met. II. Vi tantillum animalis* (*mustela*) *prae nimia sui fiducia mihi turbauerit animam.* Reges, ut regnum suum, exiguis spatiis inclusum, cognoscant, omnium ministrorum indicis opus habenti ut Deus &c.

C. 27, 6. *Haec omnia sciunt plerique vestrum, ipsos daemones de semet ipsis confiteri, quoties a nobis & tormentis verborum & orationis incendiis de corporibus exiguntur.*] Similiter Cyprianus: *O si audire eos velles & videre, quando a nobis adiurantur, & torquentur spiritualibus flagitis & verborum tormentis de obsessorum corporibus eiciuntur &c.* *Contra Demetrium, 201. ep. ad Donatum p. 3. adde Tertullianum, Apolog. c. 23. & 30. vide etiam interpret. ad Petron. c. 118 p. 208. edit. Burman. alter. Occurrit etiam locus Iuvenalis Sat. VI. aut circum sermone notato Torqueat entbymema.*

C. 37, 1. *Miror neminem pro irridens rescripsisse irridet.* Est enim haec verborum constructio Mincio familiaris, & totum locum a correctionibus interpretum vindicat. Apage Gronovii *im- plens.* Verum ut hoc obiter dicam, ammaduertisse mihi videor Jacobi Gronovii, nescio quas antiquas formulas & obsoleta verba proferentis, coniecturas plerumque infelicissimas esse, & quas com-

commemorare idem est ac refutare. Cel. Heumanum valde ingeniosum esse non nego. Sed si bi interdum nimium indulget, & a scriptura longius saepiuscule recedit. Verum haec condonanda sunt maioribus praestantissimi & doctissimi viri meritis in rem litterariam, quae aut stultus sit aut malevolus, qui non agnoscat. Certe non ferendus est anserinus quidam, qui in dissertat. *de Peripateticorum nomine* petulantius in venerabilem senem inuectus est. Sed memini istum tum a Lipsiensibus meis satis & merito castigari.

Ibid. 12. *in Scenitis etiam* &c. haec si quis plenius intelligere cupiat, legat, quae Cassiodorus, *Variar.* I. 27. & Sidonius *epist.* III. 13. super hac re memoriae prodiderunt.

C. 38, 9. *Fruamur bono nostro & recti sententiam temperemus.*] Nondum concoquere possum hanc vocem. Neque tamen violentiorem Cel. Heumanni coniecturam probbo. Puto Minucium scripsisse *teneamus*, i. e. firmiter atque constanter retineamus veram sententiam, quod etiam *re fruamur* stabilire videtur. De significatione hac verbi *teneré* multis agunt Heinsius & Burmannus ad *Ouid. Met.* II. 104. addé Cortium ad *Plin.* I. 20, 13. Alia vis est formulae *teneré causam*, de qua consule Drakenborchium ad *Liu.* XXXVIII. 4, 3.

C. 39, 3. *Etiam tamen nunc aliqua consubsidunt.*] Nosti, Vir Doctissime quoniam librarii litteras O & V promiscue usurpauerunt, con saepius pro tum scriptum esse, vid. Guil. Best. in *Rat. emend. leg.* I. 3, 3. & Herm. Noordkerk in *Observation. Decade* p. 19. ubi copiose de hac re agit. Quare etiam suspicatus sum, forte legendum esse *cum subsidunt* i. e. quoniam aliqua restant, nos de iis crastino die agemus. Certe hac ratione bene cohaeret

haeret oratio. Sed fortasse immerito Latio pro-
scribit Cl. Heumannus verbum, licet exemplo si-
mili destituamur. Nam, si quoduis verbum, quod
semel tantummodo occurrat, reiiciamus, vereor,
ne complura nobis sint in Christianorum inprimis
scriptorum libris expungenda. Composita cum
cum sequioris aevi scriptoribus admodum familia-
ria sunt, ut Cassiodorus *congloriari, couri, columi-
tare, compugnare, condescendere* &c. dixit.

Haec nobis in Minucium scripta sunt, quae
ut Tibi, Vir Cl. & Doctiss. placeant, opto ve-
hementer. Magis vero Tibi animum meum, Tui
amantissimum, probari & placere cupio.

C A P. III.

*Locus Alfeni Vari D. L. XXVI. de oper.
libertor. vitio purgatur.*

Vexatissimus Alfeni locus est: *Medicus libertus,*
quod putaret, si liberti sui medicinam non face-
rent, multo plures imperantes sibi habiturum, postu-
labat, ut sequerentur se, neque opus facerent, quem
quomodo sanare studuerint viri docti, ut Gr. Ha-
loander, qui emendat implorantes, Fr. Duarenus &
Casp. a Reies, nolo operosius commemorare. In Ba-
silicor. L. XLIX. Tit. III. 25. in *Thesaurō Meer-*
manniano T. V. p. 15. nihil inveni, unde lucem
affunderem huic loco. Proxime a veritate ab-
fuisse mihi videtur Andreas Alciatus, quem
verbo *imperare* parendi forsitan significationem tri-
butam fuisse suspicari, licet nullis veterum testi-
moniis usum, video. Atque hanc sententiam sta-

B

bi

tilire videri possit locus Ciceronis in Epistolis ad Dio. IX. 25, 3. Nunc ades ad imperandum, vel ad parendum potius; sic enim antiqui loquebantur. Verum hic locus est explicandus; ut tibi imperetur, quam passivam gerundi vim multis adtruit Cortius ad Sall. B. J. LXII. 8. cum ipse ad imperandum Tisidiam vocaretur. Adde Vossium, ad Caesar. B. G. II. 3. Senones ad imperatū non venire; pro quo Ursinus & Ciacconius malunt ad imperandum. Quare potius perexigua mutatione facta pro imperantes lego imperandos; Nempe ut dativus hic positus sit pro ablativo cum propositione; talia exempla saepissime occurrunt, ut Horat. Ep. I. 16, 25. si quis bella tibi terra pugnata marique dicat, & Carm. I. 6. Scriberis Vario, atque bellissime Catullus: Amata nobis, quantum amabitur nulla. vid. Sanctium in Mithero: III, 4. princ. ibique Perizonium & Cortium ad Sall. B. J. CVI. 2. Existimavit igitur medicus si liberi non facerent medicinam, multo fore plures; quibus ipse imperaret: id est, qui ipsum advocarent, ipsum consulerent, se illi curandos permetterent. Ita mihi nulla aut difficultas aut obscuritas restare videtur.

C. A. P. I V.

Sulpicius Severus emendatur, explicatur, vindicatur.

De editione Sulpicii Severi, quam Hieronymus de Prato V. Cl. curavit, quid sentiremus; alio tempore copiose & accurate diximus; neque virtutibus, neque vitiis illius praeteritis. Ecce tibi nunc easdem observationes, auctiores tamen & emendatiores.

Vit.

Vis. Mart. 13. Tetradii — servus daemônio corruptus dolendo exitu cruciabatur.] Non assequi me fateor horum verborum sensum. Nam paullo post dicit Sulpicius, Martinum imposita manu puero; immundum ab eo spiritum eiecisse. Quis est igitur dolendus exitus? non capio. Fuisset talis, si necatus fuisset servus a daemônio. Sed liberatus fuit illo. Quare puto legendum esse: *dolendo cruciatus exercebatur*, ut Cicero ait: *fortuna me multis parvisque casibus exercuit*, & saepe alii, & quemadmodum *exerceri* saepe nihil aliud est quam exagitari, inquietari. Vid. Cortium ad *Plin. VI. 6, 2.* Alia res est in *Dial. III. c. 6.* Tum vero cerneret. *miseros diverso exitu perurgeri.*

Ib. c. 18. media in ecclesia &c. Recte interpretur Vorstius in templo. Sic noster *H. S. II. 41. ecclesiam nostri obtinent & 33. Hierosolyma — magnificentissimis ecclesiis est adornata.* Utuntur etiam frequenter verbo: *domus ecclesiae*, ut Gregor. Turonensis, *Hist. Franc. I. 39. Sacerensa mulier a libidine — pergit ad domum ecclesiae per tenebras noctis cumque obscurata omnia reperisset; pulsare fores domus ecclesiae coepit.* Eusebius etiam non semel dicit *ἐκ τῆς ἐκκλησίας εἰσέρχεται*. Vid. Isidor. *Pelusiota. L. II. ep. 147.*

Ibid. leprosum osculatus est atque benedixit; statimque omni malo emundatus est.] Novi hæc explicari posse. Sed nonne oratio contorta est aliquantum? Scribe statim quæ: cum hæc tum sequentia melius fluent.

Ib. c. 22. Audiebantur etiam plerumque convicia, quibus illum turba daemonum protervois vocibus increpabat — testabantur etiam aliqui ex fratribus, audisse se daemonem protervois Martinum vocibus increpantem.] Non placet repetitio eorundem verborum, etsi apud optimos scriptores talia exempla occur-

rere novi, & ipse contra τοῦ πένου ostendi. Sed ideo me priori loco repetitio offendit, quoniam Sulpicius dicit, *convicia, quibus— increpabat atque mihi & praeter necessitatem & contra elegantiam sermonis dictum esse videtur: conviciis proteruis vocibus aliquem increpare.* Certe has voces in priori membro delendas esse arbitror.

Ib. c. 26. Nullumque vacuum ab opere Dei tempus, quo vel otio indulserit, vel negotio.] Cl. Prato, qui per *negotium* lites intelligit, quarum componendarum cura episcopis commissa fuerit, rem nimis ex alto repetit. Nam primum, quod ipse fatetur, Martinus hanc curam presbyteris suis mandavit: deinde *negotium* simpliciter opponi τοῦ otium patet. Totus locus nihil aliud indicat, quam Martinum, sive negotiis quibusdam & operibus intentum, sive liberum negotiis, semper de deo cogitasse &c.

Ib. c. 27. Non alii fuere infectatores eius, licet pauci admodum, non alii tamen quam episcopi ferebantur.] Nescio cur Cl. Prato pro *fuere*, quam lectionem apertissimum mendum appellat, e eodd. quibusdam rescribat *fere*. Certe illa altera repetitio τοῦ *non alii* clare ostendit, non *fere* alios, sed solos episcopos, licet paucos habuerit infectatores, sed solos tamen Episcopos fuisse. Ipsa vero haec dicendi ratio est valde elegans, ob mollem & dulcem repetitionem τοῦ *tamen*, cuius exemplum est etiam in *Dial. I. 5. Perge. quaesio, quanquam nihil magnificentius audire possimus, perge tamen Galile.* Non semel Cicero ita dixit: ut pro *Sext. 19. intenta signa legionum existimari cervicibus, ac bonis vestris, falso, sed putari tamen.* In *Vatin. 15. Age factum est horum aliquid in aliis: raro: sed tamen factum est.* *Philipp. II. 41. O tecta ipsa misera, quam dispa-*

dispari domino! quanquam quomodo iste dominus? sed tamen quam a dispari tenebantur. Ep. ad Div. VI. 6. Vereor, ne desideres officium meum, quod tibi — deesse non debet, sed tamen vereor ne &c. Adamasse hanc elegantiam Plinium etiam, e multis exemplis apparet, ut: IX. 30. *quae cuncta si facit iste, usquequaque laudandum est: si unum aliquod, minus quidem, sed laudandus tamen.* VII. 30. *quibus excusis precario studeo, studeo tamen.* I. 18. *iudicium differri nullo modo: istud aegre quidem, sed tamen potest.* Sic ille saepius. vid. Cortium ad *Salust. B. C. LXI. 2.* & Cl. Arntzenium ad *Plin. Paneg. XXX. 2.* Graeci pariter. Euripid. in *Phoeniss.* 1455. φίλος γὰρ ἔχθρος ἐγίγνετ' ἀλλ' ὅμως φίλος. ubi bene Cl. Valkenarius laudat *Catull. III. 6, 56. Perfida, sed quamvis perfida, cara tamen.* Succurrit etiam e Charitone, p. 13. οὐκ ἔστιν ἡδὴ, καὶ μὴ λίγης, εἰπὼς δὲ ὅμως, & ex Alciphro. *L. III. ep. 37. Καὶ ἔχω* (Sic lego cum Berglero pro ἔχω) τὸν ἐξ ὕβρεως ἀνδρα. οὐχ ἔκωσα μὲν, ὅμως δὲ ἔχω.

Ib. ε. 8. Deservo laqueo suffocato & a Martino excitato: mox vivificante vultu, marcescentibus oculis in ora illius defunctus erigitur.] Minus recte Cl. Prato hunc locum intellexit. Quis videt nobis depingi hominem, qui sensim in vitam redit. Hic igitur animam priscumque vigorem recipit: vultus coloratur colore vitali, & oculi suum vigorem, sive ignem, iterum accipiunt. Quae cum ita sint, primum dicamus τὸ vivificante retinendam, minimeque cum Pratone in livificante aut livefcente mutandum esse. Nam color lividus est suffocati laqueo proprius, non eius, qui reviviscit. Ille describitur a Paullino, cuius versus ideo perperam Prato ad stabiliendam coniecturam suam profert hic commemoratur a Sulpicio. Deinde hinc ap-

paret eiciendum esse verbum *marcescentibus* & propandam lectionem edit. Ald. *inardescantibus*. Tum marcebant oculi servi, cum exanimis jaceret: nunc superstrato corpori Martino & orante inardescunt. Nihil clarius. *Inardescere*, (ut apud Quintil. XI. 3, 2. *affectus omnes languescant necesse est visi vocis, vultu, totius prope habitu corporis inardescant* & Senec. *Herz. Oct. 251. Nunc inardescunt genae*) nihil aliud est, quam vigorem amissum redire incipere in oculos. Alias *ignis, ardere*, atque etiam *scintillare* usurpatur a poetis de oculis, si iratum nobis pingere volunt. Exempla collegerunt Heinsius ad Ovid. *Art. III. 504.* & Ciofanius ad *Met. III. 33.*

Dial. I. 1. neque gravabor, quamlibet conserto vobiscum fabulari] Hoc *conserto* minime placet. Et quomodo explicabis? *Consertus* est densius, commixtus, colligatus, coniunctus. vid. Heinsius ad Ovid. *Met. XIV. 166.* ibidemque Burmannus. & ad Valer. Flacc. III. 274. *super exanguis consertae caedis acervos*, nec non Oudendorp. ad Lucan. III. 575. *conserta cadavera*. add. Drakenborch. ad Liv. XXII. 28, 10. & Snakenburg. aliosque ad Curt. III. 2. ubi etiam *conferere* & *conferre* saepe promiscue usurpata esse videbis? Quid denique est *quamlibet conserto*? nisi velis cum Pratoe disungere illud verbum, ut sit pro quantum liber. Quid multa? puto legendum esse: *quamlibet conferre vobiscum fabulam*: aut etiam *conferere*, si illud displicuerit. Arnobius V. p. 156. *altercabilem conferere sermonem* & Curtius VIII. 12, 9. *Ceterum sine interprete non posset conferri sermo*. Illud non semel adhibuit Plautus, ut Curc. II. 3, 11. *Constans conferunt sermones inter sese drapetae* & ponitur non addito verbo *sermo* pro colloqui, ut apud Cicer.

Cicer. ad Attic. I. 20. Coram inter nos conferemus. Porro noster in epist. ad Euseb. inter fabulas iuges longumque sermonem mentio incidit &c. Sic etiam Tacitus An. VI. 5. 3. neu convivialium fabularum simplicitas in crimen duceretur, & auctor Dial. de Orat. 29. 5. nec praeceptores quidem ullas crebriores cum auditoribus suis fabulas habent.

Ib. p. 12. Faciam, inquit, Galle, &c. Cl. Prato corrigit: Sulpici, sed excedit medicina modum. Sunt praecedentia verba, id quod iam Giselinus vidit, verba Galli, & inquam non indicat, Sulpicium hic loqui, sed est vox flagitantis vehementerque adhortantis. In errorem adductus esse videtur Prato, quoniam paullo superius post: Ego autem maiorem distinctionem posuit, quasi esset sensus: ego autem Sulpicius dico: sed est ibi continuatus Galli sermo: ego autem — graviter irascerer. Haec profecto est interpretatio huius loci verissima, quam me satis viris doctis probaturum esse spero. Sed fac etiam hanc sententiam & interpretationem falsam esse, vel sic verbum Galle retinendum erit. Cur enim statim librarium errasse dicamus? nonne Sulpicio idem accidere potuit, quod aliis scriptoribus? Notum est talia esse apud optimos auctores inveniri, ut apud ipsum Ciceronem in L. P. de Fra. ubi Pisonem loquentem inducit: quando igitur & de voluptate cum Lolliano & de honestate cum Catone est disputatum. Recte autem interpretes observarunt, hunc sermonem non Pisoni sed Ciceroni convenire, Atque etiam in ipso Sulpicio simile exemplum mihi animadvertisse videor. Nam in Dial. III. 5. dicit: Exigit id infidelitas plurimorum, qui in aliquibus, quae besterno memorata sunt, nutare dicuntur. At tertius dialogus, ut ipse Prato p. 226.

observat, aliquanto post editus fuit: & quomodo Sulpicius, qui die praecedenti usque ad noctem dixerat, & summo mane colloquium, ut finxit, redintegravit, de infidelitate, prioribus demum dialogis editis perspiciunda aliquid audire potuit & cognoscere? sentisne? sed fortasse non opus est subtiliori hac vulgatae lectionis defensione.

Ib. c. 13. Alia ibi germina nulla succedunt] male rescribit Prato: *sucrefscunt*. Nam etsi hae voces a librariis alias etiam permutatae, id quod ostendit Burm. ad *Ovid. Met. IX. 713.* & *XI. 80.* minime tamen haec vox loco movenda est *succedere* dici puto de arboribus, ut apud Plaut. *Mil. III. 2. 59. lepide hoc succedit negotium.*

Ib. c. 14. quasi impleto officio & praestita consolatione discedere] corrigit Prato: *consalutations*. Nihil opus est. Nam infra eremita, ad quem lupa non amplius accedebat, *ægre patiebatur se alumnae solatio destitutum*. *Ovid. Fast. L. 441. Intactae fueratis aves solatia ruris &c.*

Dial. II. c. 1. Hoc ergo secretum — pauper ille, captatum, cum ei archidiaconus dare tunicam distulisset, irrupit] Perexigua mutatione pro *cum* lego *quoniam*. Intelligisne hoc melius esse?

Ib. c. 4. tum vero multitudo omnis Christum Deum fateri.] unus liber habet *Christum Domini*, quam lectionem male mendosam vocat Cl. Prato. Puto Sulpicium ita scripsisse atque respexisse ad verba *Lucæ II. nisi videret Christum Domini.*

Ib. c. 7. felices erunt, si a disciplina exempli istius viri non recedant] Lips. edit. habet: *exemplo*. *Pessime*, ait Cl. Prato, immo optime. Quid enim *disciplina exempli*? Quis ita locutus est, & quis intelligit hoc? Deinde sensus est hic: Felices si a disciplina, quam ecclesia, quam religio praescribit, quae

quae viros sanctos Christianos decet, non magis recedant, quam ille. Omnia luce meridiana clariora sunt.

Dial. III. c. 2. proclamat pater — & fatebatur] Quis ferat Pratonem se non dubitare dicentem, quia Sulpicius scripserit *fateatur*? Age igitur innumerabilia loca nobis mutanda sunt in poetarum omniumque scriptorum libris. Vide quae dicant melius & accuratius Oudendorp. ad *Cæs. B. G. I. 46. & V. 11. 2.* Drakenb. ad *Liv. III. 4, 69.* Cortius ad *Plin. II. 14, 10. & IX. 13, 20,* atque Burm. ad *Virg. Aen. II. 12. animus meminisse horret luctuque refugit, & III. 3. ceciditque superbum Ilium & omnis humo fumat Neptunia Troia,* quibus quid opus est plura addere?

Ib. c. 6. At in alia parte videres sine interrogatione vexatos & sua crimina confitentes] Mutato verborum ordine scribendum puto: *A. i. p. a. vexatos & s. c. sine interrogat. conf.*

Ib. c. 8. Illa bestia mitem se atque tranquillum præstabat] scil. Avitianus. Sed talis loquendi ratio, ubi constructio non πρὸς τὸ ἰκτεῖν sed πρὸς τὸ συµβαινόντων, ut aiunt, satis frequens est. Sic apud — sed vide potius Duckerum ad *Thucyd. II. 47. & Kuster. ad Aristoph. Plut. 272. ἀλλ' ἵνα τίς καὶ θαυμάσιον ἱκανοποιῶντες.*

Ib. c. 17. non tamen tibi tanti sint vel magnarum morarum ulla dispendia, quin illic adeas.] Aperte Sulpicius hæc, id quod neminem animadvertisse miror, transtulit ex *Virg. Aen. III. 493. Hic tibi ne qua moræ fuerint dispendia tanta, Quin adear patem.*

Hist. Sacr. I. c. 13. Hoc tractu temporum Job fuit, legem naturæ & agnitionem dei, & omnem iustitiam complexus] Hic locus nondum satis explicatus,

tus, a Prato. vero parum intellectus videtur, qui e codice aliquo lege profert. Hornius maximo conatu nihil agit. Puto vero Sulpicium dicere: Jobum fuisse rerum naturalium scientia, quam Physicam dicunt; instructum: tenuisse illum ordinem & leges naturæ &c. Atque sic puto Latine dici posse: sic Ovid. *Trist.* I. 8, 5. *Omnia naturæ præpostera legibus ibunt.* Sic leges vpcari certos modos, quos immutare non liceat, docent Broukhuff. ad *Tibull.* I. 9. 67. Burman. ad *Valer. Flacc.* I. 213. & Oudendorp. ad *Lucan.* II. 2. *legesque & foedera rerum Præscia monstrifero cœsit natura tumultu.*

Ib. c. 16. *populus — cum aqua penuria tentaretur.* Nescio cur Prato malit: teneretur. Nonne ait Virgil. *Geor.* III. 441. *scabies tentat oves?* nonne Ovid. *Ep.* VII. 121. *Bella tu ment, bello peregrina & foemina tentor?* nonne Tacitus, *Annal.* IV. 46. *si nullo novo onere tentarentur,* atque Suetonius, non semel, *Aug.* 81. *præcordiarum inflatione tentabatur.* *Vesp.* 24. *Tentatus motuunculis levibus.*

Ib. c. 22. *Sed Jordanis flumen validissimum transitum prohibebat.* Neque hic capio, quid egerit Cl. Prato, dum coniecit: *vadorissimum.* Quis enim, addens, *flumen validissimum* unquam dixit? at dixit Lucret. I. 292. *flumen validum,* dixitque Lucan. V. 618. *validos fluctus.* Præterea ipsa res vulgatam lectionem postulat & confirmat.

CAP. V.

De locis aliquot Horatii conjectura.

Placent mihi, quæ Baxterus ad Horat. *Serm. II.*
1, 72. Virtus Scipiada & mitis sapientia Lali,
scribit. Versus iste, inquit, vel Ennium vel Lucilium
sapit, quem ut tumidum per transitum deridere vide-
tur. (licet de hoc, an versus tumidus sit, non au-
deo aliquid certi pronunciare). Idem de vs. 23. L.
I. Sat. VI. Sed fulgento trahit constridos gloria curru
dicit: videtur allegoricus iste versus ex aliquo poeta
Epico defunctus, & de vs. 40. L. II. Sat. V. seu rubra
vanicula findet Infantes statuas iudicat summus Ges-
nerus, rideri poetam, qui in descriptione vehe-
mentis ætas istum versum posuisset. Equidem
præterea quatuor versus mihi animadvertisse vi-
deor, quos non Horatio tribuo, sed quos eum ex
aliorum poetarum carminibus protulisse, ut tu-
midos, & ut ineptos irrisisse suspicor. Tales ve-
ro puto Serm. I. 1, 96. simul inversum contristat aqua-
rius annunt: II. 3, 223. Hunc circumsonuit gaudens
Bellona cruentis: II. 6, 25. seu bruma nivalem In-
teriore diem gyro trahit. Hunc vero versum: In
matris iugulo sefratru respexit acutum, II. S. 3, 136.
e tragoedia aliqua repetuisse videtur. Romanis
quidem hi versus satis noti erant, neque igitur
poetæ nomen Horatio addendum fuit. Nobis præ-
ter divinationem nihil relictum est. Sed puto ego
apud Juvenalem quoque & Persium eiusmodi ver-
sus latere complures, quos indagabunt acutiores
nobis.

C A P. V I.

Ovidius aliquoties tentatur.

In *Metam. V.* ubi Phineus & focii in Saxum mutati dicuntur, est locus, ut ego puto, corruptus. v. 157.

Circueunt unum Phineus & mille secuti

Phinea. Tela volant hiberna grandine plura.

Præter utrumque latus, præterque & lumen & aures.

Lumen sumunt interpretes pro luminibus, sive oculis. Sed contortum hoc mihi videtur, & nonno mire dictum est, tela voluisse præter oculos? immo coniicio: *praetexunt lumen & auras*; ita, ut poeta telorum copiam fatis usitata formula indicet. Sic enim Claudian. *l. in laud. Stil.* 257. *Poenis iaculis obtexitur aer. Virg. IX.* 611. *fundunt simul undique tela Crebra nivis ritu coelunque obtexitur umbra.* Vide plura congesta, conscripta, a Burmanno secundo ad *Anthol.* p. 192.

In *L. IX.* 432. legitur.

Vos etiam, quoque hoc animo meliore feratis,

Me quoque, fata regunt.

Regius verborum ordinem facit hunc: *fata regunt etiam vos, & me quoque, ut hoc meliore animo feratis.* Sed quis non videt, quam difficilis & coacta hæc sit interpretatio? Potius hunc locum ita expono: Jupiter diis dicit; *tantumne sibi quis posse videtur, Fata quoque ut superet? Vos etiam, o dii, —* scil. regimini fatis. Est hoc lo-

co

co ἀπερίπληκτος, bene conveniens illa orationis atrocitati. Deinde si post quoque distinguendi signum deleas, oratio bene fluit.

L. VII. 622.

*Forte fuit iuxta patulis rarissima ramis;
Sacra Jovi, quercus de semine Dodonæo.*

Displicet non immerito viris doctis verbum *rarissima*. Nam τὸ *patuli* & τὸ *rarissima* hoc loco non possunt coniungi. Arbor enim patulis ramis rara, non est, ut Burmannus putat, quales raro videntur, (quomodo enim hunc sensum hoc loco invenies?) sed quæ paucos habeat patulos ramos. Iam Ovidius contrarium dicit huic. Neque tamen placet Heinſii *latissima*: multo minus Burmanni *clarissima*. Facilius credo locum emendari posse, si scribas: *gratissima*.

L. VIII. pr.

*Iam nitidum retegente diem, noctisque fugante
Tempora Lucifero.* (Male in Burm. ed. legitur
Tempore.)

Nescio quid sit *retegere diem*. Quod vero Regius dicit, esse aperire & ostendere, neque hoc quid sit scio. Exempla a Ciofano allata nihil iuvant. Longe alia res L. IX. 794. *Postera lux radiis latum patefecerat orbem*: orbis, non dies potest aperiendo quasi ostendi. Exigua mutatione lego: *revehente*. Am. I. 13, 2. *Flava pruinoso quæ vehit axe diem*, de aurora & Fast. III. 518. *Purpureum rapido qui vehit axe diem*.

IX. 717: *Par. ætas, par forma fuit: primasque magistris*

Accepere artes, elementa ætatis, ab isdem.

Recte vidit Tan. Faber, ridiculum esse, si dicas, artes primas esse elementa ætatis, & erat par ætas, & accepere elementa ætatis. Hoc ille bene, sed medicinam adfert heu! crudelissimam: *elementaque prima sub isdem.* Immo leniorem nos faciamus, legamusque alimenta: ut est apud Ciceronem, *hæc studia adolescentiam alunt.* vid. etiam Burm. ad Quint. Inst. L. VII. pr. p. 656. Possis etiam legere *elementa ardoris*, quoniam statim sequitur: *Hinc amor ambarum tetigit rude pectus & æquum Vultus utrique tulit.* Sed hæc correctio violentior est.

C A P. VII.

Mollius de metris emaculatur.

Probatur nobis, quem Cl. *Heusingerus* edidit, Fl. Mallii Theodori *de metris liber*, e quo aliquot menda tollere conabimur.

In præf. p. 8. qui si solum syllabarum naturam ac modum temporum sibi consecrandum putassent, obsoleta permulta atque absurda perissent.] nullum, certe vix probabilem, sensum ex hoc loco elicio, si verbum *perissent* retineo. Si illud in *fecissent* aut *perperissent* muto, omnia facilia mihi videntur.

Eod. loc. aurium voluntatem ab his metris — divellendam non existimarunt.] Litterula una mutata, lege voluptatem. Melius tum hæc respondebunt iis, quæ antea de delectatione & suavitate dicta sunt. Duæ hæ voces etiam alias in codd. permutatæ fuerunt.

runt. vid. interpr. ad Ovid. *Art. III.* 617. En denique locum Quintiliani, *Inst. I.* 10, 4. qui nec *Geometras* audierint, nec *Musicos*, nisi hac communi voluptate aurium, intelligant.

C. 1. p. 11. id enim ratio sermonis latini. & pronuntiandi forma expetit.] legendum esse arbitror norma. Verbum forma obversatum est librarii oculis e. praecedentibus, ubi est: secundum legent atque usum pronuntiandi inferant. Formulae huius apud Ovid. *Art. III.* 486. sermonis publica forma placet; alia ratio est, vid. ibi Burmannum, & consule eundem ad Quintil. *Inst. X.* 1. init. Memini legi apud eundem, *V.* 23, 5. qui nulla certa pronuntiandi forma tenentur. Sed est huius loci longe alius & diversus sensus.

C. 2. p. 13. Totum locum sic emendo: Nam cum ars musica, quae est in omni vocis sono modulationis (hoc enim verbum Mallio familiare pro moderationis ponendum esse censeo. in codd. moderari & modulari perpetuo fere confundi docet Burmannus ad Ovid. *Met. XI.* 154. & *Rem. Am.* 181.) ac suavitatis inventrix, metricae quoque rationis princeps ac magistra sit, eadem vero ita nervos testudinis adiunxerit, ut eorum alii acutum, gravem alii sonum ederent, eademque (sic scribo pro eandem) vocum distinctionem tibiarum foraminibus aptaverit &c. nam hoc posui pro aptaverint.

C. 6. p. 27. — procul omnia repellere, quae ab auditorum dilectatione discrepent, quamvis ea pedum ratione recipiant] Cl. Heusingerus legit: rationem. non male. Malumus tamen: ratio recipiat. Sic dicte aliquoties Mallius, ut paullo infra c. 8. p. 29. prout Uniuscuiusque metri ratio declarat. Sequentia c. 7. p. 28. ita constituo: Id. tamen aurium sensu efflagitatur. Quemadmodum intromitti in metrum dactylicum —

ana.

anapæstus non potest, ita metrum anapæsticum — dactylo inhospitale. Erit accommodatissimus vero in hoc metro locus primus & ceteri atque omnes &c. Quas mutationes vix cuiquam attentius totum locum consideranti displicere posse arbitramur.

C. 8. p. 29. lego sic: Nam ut nunc, quem ab exordio proposuimus, ordinem persequamur, metrum eboriambicum &c. Certe hæc lectio propius ad veri similitudinem accedere videtur, quam quæ a Cl. Heusingero proposita fuit.

C. 11. p. 34. illud *perspiciens*, si in *perspiciens* mutetur, id ut vero per quomodo explicetur fortasse in textu retineri potest.

C A P. VIII.

Animadversiones in Aurelium Victorem.

Multis laborat Aurelius vulneribus, quorum tollendorum causa nuper illum attente perlegimus. Quæ tum nobis in mentem venerint, etsi nunc nobis excutere & accuratius examinare non liceat, huc tamen transferemus. Vsi sumus editione, quæ cura Cl. Gruneri prodiit.

De orig. G. R. c. 1, 6. quam hoc scribere coepimus. lege nos. aliorum antequam ferri nequit.

C. 3, 2. *ad compositam vitam eduxit. scribe deduxit. Cicer. Acad. Qu. IV. Quæ tandem ea est disciplina, ad quam me deducas, si ab hac abstraxerit. Offic. l. c. 32. parentum præceptis imbuti, ad eorum consuetudinem moremque deducimur. Q. Cic. de Petit. Conf. c. 10. Da operam, ut illos de pravitate animi deducas. & sic alii.*

C. 4.

C. 4, 2. *qui illi orae faciunt.*] vide an legendum sit, *qui illis orae fuerunt*: ut *orae* sit genitivus, quæ constructionis ratio frequens est. vid. Perizon. ad *Sanct. Min.* IV. 12, 11.

C. 6, 2. At mihi valde blanditur correctio Munckeri. Aurelius dicere debuisset videtur: Cacus omnes furandi cupiditate superasse: non, illum præter alia vitia etiam furacissimum fuisse.

C. 8, 6. *lego tam religione, quam etiam pietate adductos, pro edoctos.*

C. 10, 2. sed quid si *cognitam* idem hoc loco est, quam bene notam iam sibi? aut si sic explicemus locum: ne sepeliret Prochytam illius morte cognita sive audita in Italia. vide omnino Burman. ad *Op. Met.* XII. 69.

C. 17, 2. *nescio quantis*] est hoc insulsum, atque eiiciendum omnino glossema.

Ib. 4. *Permissa disceptatione eius rei ab universis rex Silvius declaratus est.*] mihi videtur legendum esse: *sed missa d. e. r.* id est, omissa. Aliorum coniecturæ redeunt fere huc: *permissa disceptatione ea plebi.* pro quo malim *remissa*. Remittere sæpe idem valere ac permittere, concedere, docent Schulting. ad *Quintil. Declam.* p. 199. & Burm. *ib.* p. 39. Dukerus ad *Liv.* XXXVIII. 13, 3. Drakehb. *ib.* ad VI. 36, 2. & Io. Mich. Heusinger, in *Emend. L.* II. c. 3. p. 196.

C. 14, 1. *Igitur Aeneam &c.* nihil mutandum est. *Plaut. Capt.* I. 2. *Istos captivos duos, here, quos emi de præda, his indito catenas.* Sallust. *B. I.* 40. *M. Scaturum — effecerat, ut ipse eo numero crearetur.* Terent. *Euh.* IV. 3. 11. *Eunuchum quem dedisti mihi, quas turbas dedit.* vid. Bangii *Obs. Grammat.* p. 977. 1316. Lesbonax, p. 183 ed. Valck. Perizon. ad *Aelian.* II. 13. & *Sanct. Minerv.*

p. 130. 146. Dukerus ad *Tbucydid.* II. 62, 64.

C. 23, 7. *nostræ memoriae proclamans historia Liviana*] Etsi lubenter fatear, illa verba si deessent, bene defutura esse, omnino tamen ea reiicere, religioni mihi duco. Forte coniectura loco corrupto succurri potest. Scribo primum: *nostram memoriam* i. e. nostrarum rerum historiam, ut infra *Cæs. c.* 20. 33. *ut sane putant memoriae curiosi.* vide Cortium ad *Sall. B. I. IV. 1.* qui hæc habet: „sequior ætas non modo pro commemoratione, sed etiam pro historia & libris scriptis usurpavit.” Apul. de *Mundo* p. 72. *Probum illum, probum quem fictorem fuisse tradit memoria.* Minuc. Fel. c. 31. *Memoriæ & tragoediæ vestræ incertis gloriantur, quas vos legitis libenter & legitis & auditis,* ubi plura Elmenhorstius. Hæc ibi Cortius. Deinde *memoriam proclamare* Aurelius pro illius ævi Latinitate dixit fortasse pro res gestas narrare, historiam commemorare. Possis etiam legere *propagans.* Sed satius videtur vulgatam retinere, utut parum elegantem lectionem.

De Vir. Ill. c. 4. 7. ut vulnere erat dolor.] fortasse legendum est *ferebat.*

C. 12, 8. Parum abest, quin pro *a rea* scribam *ab ea.* Nam additur statim: *quod in cæde peccasset.* unde, quoniam his causa exustionis manus indicatur, illud non necessarium esse videtur. Sed fortasse talia in hoc scriptore non sunt ad vivum rescanda.

C. 25, 1. *Fidenates fidei Romanorum hostes.*] Vellem ad manus nunc esset Cl. Arntzenii editio, quem Cl. Grunerus Annæ Fabri lectionem: *rei Romanorum* idonee reiecit dicit. Mihi quidem optimorum scriptorum exemplo Aurelius sic loqui videtur. Sic sæpe Ovidius, ut *Met. XIV. 610. Inde sub Ascanii*
ditione

ditione binominis *Alba Resque Latina* fuit. *Ib.* 809. quoniam *fundamine magno Res Romana* valet. *XIII.* 59. *Prodere rem Dandam* finxit, ubi alii cod. habent *Danaum*. *XV.* 437. cum *res Trojana* labaret. vid. Heins. ad *VII.* 510. adde *rem* sæpe idem esse, ac *statum rerum*, de quo vid. Barthius ad *Stat. Theb.* *III.* 696. & *XI.* 550. atque Cortius ad *Sall. B. C. VI.* 3. & de formula *res Romana* consule Drakenborch. ad *Liv. II.* 9. 5. sed ideo hanc lectionem non probo, quoniam nullius codicis auctoritate firmatur atque etiam vulgata bene habet. Nam quid si Aurelius hoc dicere voluit: Fidenates diffisos fidei Romanorum, nolentes cum iis amicitiam iungere, inimicos illorum fidei & amicitiae, legatos ad se missos &c?

C. 26, 3. quæ uncis inclusa sunt *de quercu* liberaffet non ab Aurelio profecto, sed primum a quodam margine codicis sui inscripta & tum male a librario in contextum recepta esse, quovis pignore contendere ausim. Quam inepte hercle! hoc loco auctor differentiam inter civicam & obsidionalem coronam exposuisset. De re ipsa vide Gellium *N. A. V.* 6. Plin. *H. N. XXII.* 4. & *XVI.* 5. Plutarch. *Quæst. Rom.* p. 285. ed. Wech. Vaillant: *Numism. Imp. T. II.* p. 369. & alios.

C. 56, 6. *obulus licentiam & paupertatem &c.*] locum corruptum esse, tam certum est, quam quod certissimum. Erat, cum legendum putarem *o. b. negligentiam*. ut apud Terent. *Andr. I.* 1, 44. *Inopia & cognatorum negligentia coacta*, qui locus huic simillimus est. vid. Burm. ad *Ov. Am. III.* 8, 65. Terentius etiam alio loco: *quem ipse neglexit pater ego alam*. vid. Schulting. ad *Quintil. Declam. p.* 704. *contentus es alterius parentis negligentia*. ibidemque Burm. Interpretabar vero sic

quoniam senatus non curam gessisset Paulli, amplaque illi retulisset præmia, inde factum esse &c.

C. 76, 8. *Quod cum tardius biberet* (Mithridates) *quia adversum venena multis antea medicaminibus corpus firmaverat*] non video, quo colore defendi possit *τὸ biberet*. Clarum est, Mithridatem, quoniam venenum tardius vim suam exseruerit, Gallum vocasse &c. Illam igitur lectionem scire velim quomodo defenderit Cl. Arntzenius. nam defendisse eam docet Grunerus. Ego puto *subiret* veram & rectam lectionem esse. Dicitur amor subire animum, & apud Ovid. *Pont. IV. 15, 30. Ne subeant animo tædia iusta tuo*, atque *Ep. XIX. 26. subit furtim lumina fessa sopor*. nonne etiam ita dici potest de veneno, pro pēntrare, pervadere corpus. Forte tamen ita defendi potest vulgata lectio, si dicas *bibere* sic sumi, ut venenum dicitur bibere, ebibere, exforbere, haurire medullas alicuius, quum eas ingenti cruciatu consumat, ex *Lucan. IX. 741. Ecce subit virus tacitum carpitque medullas Ignis edax calidaque incendit viscera tabe, Ebibit humorem, circum vitalia fustum Pestis* &c. ubi Schol. *Ebibit: ideo ἔ dipfos dicitur*. Notabilis e Græcis locus Sophoclis in *Tracbin. vs. 1061. de Hercule veste venenata cruciato: πλουταῖς γὰρ προσμαχθὲν ἐν μὲν ἰσχυράς βίβρωνται σάρκας: πνεύματος τ' ἀρτηρίας ποφῶϊ ξυνεκκῶν, ἐν δὲ χλωρὸν αἷμα μὲν πίπωνεν ἤδη. vid. eruditissimum Schultensium ad Iob. T. I. p. 445. qui similia habet. Sed non adest hoc loco casus nominis. Alia ratio est loci Horatii *I. 37. ut atrum Corpore combiberet venenum, locorumque ibi a Lambino datorum*.*

C. 77, 13. omnino probanda est vulgata *possus*. vide Heins. ad *Ov. Art. III. 740. & sic saepe in lapidibus antiquis.*

De Cæs. c. 3, 8. uti talia ingenia veteris solent anni mensibus) vere Cl. Grunerus hunc locum corruptissimum & fere desperatum appellat. Sed quid tentasse nocebit? Conicio igitur *u. t. i. veros solent animos mentiri.* τὸ *mentiri* pro *simulare* poni notum est, ut Ovid. *Am. II. 19, 11. Ab quoties sani capitis mentita dolores. Ep. XXI. 183. si non mentiris amorem.* & sic sæpe. vid. Erhard. ad *Petron. c. 100. p. 610.* τὸ *verus* sumo pro *integro, puro, iusto, non simulato*, ut Plinius dicit *IX. 25. viri gravissimi, eruditissimi & super ista verissimi.* Terent. *Andr. II. 5. sum verus*, quod interpretatur Donatus per *veridicus*. Sic sæpe Ovidius & alii dicunt *veram fidem*. vid. Heins. & Burm. ad *Ov. Ep. XVI. 60. XVIII. 119. & Art. I. 62.* Cortius ad *Plin. II. 10, 4. III. 6, 3.* atque Cl. Longolius ad *VIII. 2, 5.* Interpretaberis locum sic: quemadmodum homines eiusmodi speciem viri boni, integri, & puri præ se ferre solent, ita etiam Caligula egregie. Olim putabam legi posse, *u. t. i. veterum solent animos mentiri.* ut noster infra *c. 20.* postquam ad veterum innocentiam, quasi mentium sanitatem pervenerant. Sic Cicero pro *Rosc. Amer. 9. Homines antiqui, qui ex sua natura ceteros fingerent.* vid. Victorius ad *L. VIII. ep. 18.* ad *Att.* Sic recte Cl. Longolius apud *Plin. II. 9. 4. vir sanctus, antiquus*, interpretatur *antiquæ integritatis & laudat VII. 33, 9. cui exemplum simile antiquis contigisset.* Nec aliter Græci dicunt. ἀρχαῖος pro simplici, cándido; fideli &c. copiose de hac significatione agit Maussacus ad *Harpocrat. p. 76. Δημοσθένος μὲν φιλιππικαῖς φησιν, οὕτω δ' ἀρχαῖος εἶχον, — ἀντὶ ἀπλῶς.* & vide quos laudat Cl. Alberti ad *Hesych. p. 562, 27.*

Ib. 9. ingenium exercuit.] non mihi persuasit

Cl. Grunerus apte hæc exponi posse. Primum ob stare videtur *re repente*: & si vel explices exercere coepit, ipsum verbum exercere me offendit. Ego probo omnino Arntzenii coniecturam: *exeruit*. Possis etiam legere *extulit*: protulit, ostendit, tum videri poterat, qui qualisque esset. ut Virg. *Aen. I.* 127. *summa placidum caput extulit unda*. vid. Heins. ad Ovid. ad *Liv.* 222. & Burm. ad *Fast. II.* 149. Cogitavi quoque de verbo *erigere*, ut Sil. *Ital. IV.* 180. *erigere iras* & Stat. *Theb. VII.* 671. *erigere rabiem dixit*, ubi vid. Barthius, & Burm. ad *Quintil. Instit. VI.* 4. p. 570. *Exerere vero & exercere* sæpe a librariis confusa fuisse docet idem ibid. *IV.* 1. p. 310.

Ib. 20. *mortalium conatus vacuos a Fortuna cassosque esse*] cogitabam aliquando: *m. c. vanos absque F. c. e. vanus* enim & *vacuus* non semel librarii commutaverunt. vid. Oudendorp. ad *Lucan. IV.* 726. sed habet verbum *vacuus* eandem vim. vid. Heins. ad *Qu. Met. VII.* 786. Atque etiam cum *vacuus* indicet proprie idem, quod *carens*, destitutus, puto legendum esse *m. c. vacuos Fortuna cassos esse*: si careant conatus hominum bona Fortuna &c.

Ib. 5, 10. En difficillimum locum! Sine codicibus aliquid certi constitui posse nego. Ne silentio tamen ardua præterisse videar, lego sic: *nequaquam verecundia externa societatis humanæ datur. Peccandi c. — agit sive aget*. Sed mihi ipse non satisfacio.

Ib. 20. 6. *illum iustum nasci aut emori minime convenisse*.] Non video, quomodo hinc aptus sensus elici possit. Lego: *i. i. n. at emori m. c.* id est, iustum quidem, bonum, fas est, illum natum fuisse: minime vero eundem debuisse mori. Neque

que tamen vel sic video, quomodo hæc cum Spartiani verbis conveniant.

Ib. 11. Annæ Fabri lectio: *si tu hic esses*, valde mihi placet. Possis enim aut interpretari, si tu talis fuisses, de qua significatione huius pronomini vid. Burm. ad *Valer. Flacc. VII.* 481. & ad *Virg. Aen. IX.* 481. aut *δευτερεύς* sumere, pro, si tu ego esses, de quo consule Oudendorp. ad *Lucan. I.* 363. sic apud Euripid. *Alcest.* 736. οὐ γὰρ τῷδ' ἐστὶς τὸ αὐτὸ εἶδος, monet Barnesius τῷδ' positum esse pro ἐμῷ. pariter usurpavit idem verbum ἀνὲρ, ut in *Med.* 1337. ὑμῶν θύρα δὲ παρ' ἀνδρὶ τῷδ', id est, ἐμῷ. vid. Schultens. ad *Iob. T. I.* p. 280. & 342.

C. 23, 1. vide an sub corrupto verbo *palatia* lateat *penates*. Sed nihil audeo. *ferendarum* expono, quæ iis perferendæ erant.

C. 35, 8. *prædæ conscientia delictique*] legendum censeo *pretii* vel *præmii*, idque per *pænæ* explico, quo sensu apud Comicos inprimis non raro hoc verbum occurrit: ut apud Plaut. *Menæchm. V.* 6, 9. *Verbero, compedes, molæ, magna lassitudo, tumes, frigusque durum: hæc pretia sunt ignaviae.* vid. Gronov. ad *Senec. de clem. VII.* qui habet quædam huic pertinentia, & Donatum ad *Ter. Andr. III.* 5. 4. *pretiam ob stultitiam fero.* consule doctæ agentem de hac verbi vi, Ez. Spanhemium ad *Callim. H. in Dian. vs.* 263. ubi etiam Græcos *μίσθον* sic usurpare docet. Coniectura Cl. Gruneri *pæna* eodem redit: sed mea propius ad litterarum vestigia accedit. De his, quæ paullo post sequuntur, codicum bonorum auxilium expectare, quam hariolari frustra malo.

C. 39, 4. Scriptoribus quos de verbo adorare laudat Cl. Grunerus, adde Brissonium de *regn. Pers.*

L. I. 16, 17. Freinshem. ad Curt. VIII. 5.
Boecler. de *auspic. regio.* III. 3.

C. 41, 12. *formidandis* nullum omnino sensum
habet. Schotti coniectura verissima est.

Epit. c. 1, 7. mihi unum idemque videtur,
utrum *populi Romani* legas, an *populo R.*

Ib. 21. *probo leviter iracundus*, i. e. qui facile
& levem ob causam effertur, accenditur ira &c.
Nam, si *leniter iracundus* est is, qui regat iram,
nescio an hoc huc pertineat, ubi Aurelius se de
vitiis Augusti expositurum esse dicit.

Ib. 27. omnino legendum est *summam rerum*,
vid. Oudendorp. ad Lucan. V. 26.

C. 4, 7. *Virgines scortorum modo secum proposue-
rat.*] Credo corrigendum esse: *prostituerat*. Nam
supra de *Cæs.* c. 4, 7. ubi eadem historia iisdem
prope verbis narratur, legitur: *nobiles quasque
nuptas & virgines scortorum modo secum prosti-
tuerat.*

C. 14, 9. *probavisset*. unice veram esse puto le-
ctionem cod. Leid. *perpavisset*. Certe quomodoq;
vulgata explicari possit non video: se ideo elabo-
rasse, ne grvida ex illo fieret, quoniam immane
illius ingenium sibi placuisset. Quæ sententia! *Pro-
bare & notare* sæpe a librariis commutata fuerunt.
vid. Burm. ad Ov. Ep. XX. 20. & Art. II. 308.
Quare putavi, non male fortasse hic legi posse
notavisset: nempe quoniam crudele in illo ingenium
animadvertisset, ideo noluisse se ex eo parere.
Sed præstat procul dubio prior lectio.

C. 15, 4. *lego vultu sereno pulcher*, quemad-
modum statim sequitur: *procerus membra, decen-
ter validus.*

C. 41, 2. ego vero puto, facilius etiam ex *re-
situm* elici posse *cito*.

C. 43, 4. possis etiam sic legere: *n. u. s. i. m.*
d. st. amica, rei publicæ invidia & discordia e. p. p.

C A P. I X.

Horatii locus explicatur.

Nunquam mihi satis placuerunt virorum docto-
 rum interpretationes versuum *Horatii, I. 37.*

Dum Capitolio

Regina dementes ruinas

Funus & imperio parabat

Contaminato cum grege turpium

Morbo virorum,

Omniū ingeniosissima mihi videtur sententia
Jacobi de Rhoer V. Cl. in Fertiis Daventriens. p. 127.
 proposita. Hic enim intelligit per gregem turbam
 Romanorum, qui ad Antonium & Cleopatram
 transierint, atque morbo turpium Aegyptiorum
 contaminati fuerint. Induisse illos horum turpes
 mores pravæque consuetudinis contagione fuisse
 afflatos &c. Acuta, iterum dico, hæc interpre-
 ratio est, sed forte nimis alte repetita. Mea sen-
 tentia hæc est: Primum dico: nullos intelligi alios,
 quam eunuchos, quique viri muliebria passi An-
 tonium & Cleopatram comitabantur. Deinde ne
 quis miretur his morbum tribui, tenendum est,
 castratos ex veterum Stoicorum sententia inter im-
 perfectos relatos fuisse. Jam stoicum philosophan-
 di genus etiam ad Iurisprudentiam transiisse, at-
 que inprimis a Proculianis adamatum fuisse satis

constat. Hi igitur non solum castratos *morbosos* appellaverunt, sed etiam *Proculianorum* princeps, Labeo, si ignoraverit emtor, castratum a se hominem emtum esse, hunc ut morbo affectum, redhibendum esse docuit. De tota re docte agit Gellius *N. A. IV. 2.* unde verba ipsa adscribam: *De eunucho quidem quaesitum est, an contra edictum ædili-um videretur venundatus, si ignorasset emtor eum eunuchum esse. Labeonem respondisse aiunt, redhiberi posse quasi morbosum.* Vide præter alios de loco hoc Gellij Gravinam *de ort. & progr. Iur. Civ. XLVI. p. 104. ed. Lips.* & Io. Sam. Hering, *de stoica veterum Romanorum Iurisprudentia Obs. XVII. p. 417. in opusc. de Sectis & Philosoph. Ictorum*, edit. a Gottl. Slevogtio. Pathicos vero etiam *morbosos* dici docet Burmann. ad *Petroni. c. 46. p. 307.*

C A P. X.

Notula in Axiocbum.

Dialogum, qui *Axiocbus* inscribitur, quis composuerit, non una eademque virorum doctorum sententia, neque nunc nos copiosius disputabimus. Arbitramur vero, nisi Socraticum Aeschinem, alium certe virum eruditum e Platonis disciplina illius auctorem esse, eundemque elegantissimum esse libellum dicimus. Nunc quidem paucula notabimus.

[Ὁ δὲ τῆς τραγῆας ἑρμῆς ἀμα καὶ ἑρμῆτες] neque Perionius neque Wolfius vim verborum percepisse videntur. Si meliora discere cupis, consule Dorvillium ad *Charit. p. 27.* qui locum aptissimum laudat

laudat e Luciani *dial. Mort.* p. 288. *ἱκεας, ὃ γαλα-
τῖα, οὐκ ἱραστὴν ἀλλ' ἐρώμενον ἔχει τὸν πολυφύμον.*

Ὁ γὰρ πατὴρ ἐκ τινος ὥρας αἰφιδίου ἀδυνάτατος ἔχει,
καὶ πρὸς τῷ τέλει τοῦ βίου ἐστὶ] *Displicet mihi vehe-*
menter ὥρα αἰφιδίου, quæ formula neque Cl. Fi-
schero satis Græca videtur. Nisi nimis audacter fa-
cere videremur, rescriberemus sic, ὁ, γ. π. πρὸ
ὥρας τοῦ βίου ἀδυνάτατος ἔχει, καὶ πρὸς τῷ τέλει ἐστὶ.
Illud πρὸ ὥρας pulchre illustrat idem ad *Chariton*,
p. 129. & Gatakerus ad *Antonin.* I. 17. p. 42.
vide etiam Barthium, ad *Stat. Sylv.* II. 1, 54. &
Burm. ad *Petron. Frag.* p. 879.

Ποῦ τὰ πρόσθεν αὐχένατα, καὶ αἱ συνεχεῖς ἐυλογίαι
τῶν ἀρετῶν, καὶ τὸ ἀρίστον ἐν τοῖς θάφτοις] Stephanus
reponit ἀρίστην. neutrum placet. neque enim fuit
incredibili animi virtute Axiochus, sed gloriaba-
tur tantum aliisque fortis videbatur, celebrabatur,
que talis: scribe igitur αὐτὸ ἱστὸν, quod etiam cum
συνεχεῖς bene cohæret.

— οἷε ἀναγκαστὴς αὐτὸ παρασπαρμένη τοῖς πόροις ἡ
ψυχὴ συνελαγῆσα] forte aliquis mallet: αὐτὸ παρὰ
παρμένησιν πόροις.

Φράσαιμι ἂν εἰ ταῦτα, ἃ μνημονεύσας ἱφὴ γὰρ]
libenter legeremus ἱφὴ δ' ἄρα, nisi dixeris, τὸ γὰρ
hoc loco rationem reddere, de quo sæpe Clar-
kinus ad Homerum, quod tamen nescio an hic
commode fieri possit.

C A P. X L

De Fragmentis Cornelii Nepotis Guelpherbytani.

Diximus iam alio loco de Fragmentis Cornelianis, a V. Cl. *Iacobo Friderico Heusingero* editis, (*Guelpherbyti* 1759.) nostram sententiam ea, quæ digna est harum litterarum studioso, libertate usi. Displicuit enim nobis Viri Cl. sententia multas ob causas, &, ut sunt iudicia libera, cuius potius quam Cornelio, elegantissimo Scriptori, illa tribuenda esse existimavimus. Dolemus vero maximopere, ægrius hoc doctissimum *Heusingerum* tulisse, quam nos speravimus, atque quæ nos optimo animo scripsimus, a nescio qua *infectandi, conviciandi, insultandi, reprehendendi* libidine profecta esse, sibi persuasisse. Quæ enim iniuria virum egregium affecimus? quomodo hoc iudicio illius famæ detrudere potuimus? Fragmenta illa Cl. *Heusingerus*, Corneliana esse ait: nos negamus. Quis hoc non ferendum esse censebit? sumus homines, & quando nefas fuit dissentire de eiusmodi rebus? Quæ igitur hic *in signis contumelia*, eaque ingenuo animo nequaquam ferenda? Ex animi sententia loquor. Semper ego Cl. *Heusingerum* virum harum litterarum, & Græcarum imprimis, peritum esse iudicavi, eumque, qui non solum *Heusingeriani* nominis famam bene tueatur, sed etiam hac tempestate in Germania rem litterariam egregie ornet & iuvet. Num præclarius & honorificentius de illo sentire & iudicare possum? si vero quid exciderit mihi invito, quod durius esset, quo humanitas lædi videretur,

quo

quo se laceffitum fuisse protervius iure Vir Cl. queri posset, illud ne dictum esto. Sed faciamus lectoribus de tota re iudicandi copiam, atque primum ipsa Fragmenta adscribamus, præscripta codici Philippicarum Ciceronis orationum, undecimo, ut Cl. Heusingerus censet, seculo scripto.

Cornelius Nepos in libro de historicis de laude Ciceronis.

Non ignorare debes, unum hoc genus Latinarum litterarum adhuc non modo non respondere Græciæ, sed omnino rude atque inchoatum morte Ciceronis relictum. Ille enim fuit unus, qui potuerit & etiam debuerit historiam digna voce pronunciare: quippe qui oratoriam eloquentiam rudem a maioribus acceptam perpeliiverit, philosophiam, ante eum incomptam, latinam sua conformaverit oratione. Ex quo dubito, interitu eius utrum res publica, an historia magis doleat.

Idem.

Locuples ac divina natura, quo maiorem sui pareret admirationem, ponderatioraque sua essent beneficia, neque uni omnia dare nec rursus cuiquam omnia voluit negare.

De his fragmentis disputavimus tum fere hæc: Etsi Cl. Heusingerus genuina hæc esse Nepotis monimenta, ex indiciis tam manifestis tamque consentientibus elucere sibi persuasit, ut neminem fore credat, qui de eorum integritate dubitet: etsi purum, elegans, diffusum, maxime perspicuum historici dicendi genus ita clare & ita aperte in bis conspici dicit, ut
non

non peritos sibi indices solum, sed eos etiam, qui latinitatis antiquæ & incorruptæ non planè sint expertes, Nepotem hic agnituros esse confidas: nobis tamen, qui & Cornelium, & alios bonos scriptores satis legisse & antiquæ Latinitatis non planè expertes esse nobis videmur, longè alia mens est. Sed docendum est, quare a viro docto dissentiamus. Iam primum lubet quaerere, quæ tandem sint illa *indicia manifesta & consentientia*? Heusingerus quidem, quæ tamen omnes & expectabunt hoc loco, & suo iure poscent, nulla affert: nisi quæ de Cornelii libris, de latinis historicis, & de studio, quod Cicero in historia patriæ scribenda posuerit, huc referenda sint. Quibus minime contenti plura desideramus. Vellemus enim ita in his fragmentis exponendis versatus esset Heusingerus, ut nuper in Horatiana in Lucilii defensores Satyra, i. e. examinasset singula verba diligenter & accurate, ad Critices regulas exegisset, eaque & Latina & Cornelio digna esse ostendisset. Quæ igitur ille omisit, nos agamus. Primum de toto orationis habitu etsi ex paucis versibus vix iudicari potest, non dubitamus tamen fore, ut, si quis unam atque alteram vitam, a Cornelio scriptam, legat, deinde hæc fragmenta recitet, sonum nescio quomodo longè diversum & quasi peregrinum & barbarum in auribus sentiat. Verum hoc sentirî magis, quam verbis explicari potest. Faciant igitur periculum, qui teretes & doctas aures habeant. Deinde vero ex ipsa dictione nihil Cornelio, nihil Roma dignum spirare nobis videtur. Quem non offendet repetitio illa verborum *unus & rudis* nimis angusto spatio facto? Non ignoramus quidem, in optimis scriptoribus eiusmodi negligentiam & inveniri, & laudari quoque a peritis harum

harum rerum iudicibus, ut in pulcherrimo loco *Odyss. T. vs. 204.* in nobili Ciceronis epistola ad Lucejum (L. V. 12.) & in Livio passim, ubi videndus Gronovius, & consulendus cel. Dorvilius ad *Chariton. p. 404.* sed & horum longe plerumque alia ratio est, & in Cornelio, si recte meminimus, nullum eiusmodi nobis exemplum occurrit. Quid vero est, cur Nepotem in his paucis versibus a prisca dicendi ratione declinasse, nec suo more locutum esse dicamus? Quam parum illa: *qui potuerit & etiam debuerit: adhuc non modo non: nec rursus cuiquam aurea ætate digna!* Quam dura omissio verbi *esse* in hoc: *omnino rude atque inchoatum Ciceronis morte relictum!* Hoc vero insolentissimum: *historiam digna voce pronuntiare*, quis Cornelio tribuere audeat? Quam male positum verbum *Latinam: philosophiam ante eum incomitam Latinam* — sapitne deinde *philosophiam latinam incomitam sua oratione conformare*, non barbarum potius hominem, quam Cornelium elegantissimum scriptorem? Nos profecto ne intelligimus quidem hoc maxime perspicuum dicendi genus. An denique *oratoriam eloquentiam perpolire*, an *ponderatiora beneficia*, an hoc genus *latinarum litterarum Græciæ respondet*, hæc an Cornelii ætatem redoleant, vehementer dubitamus. Vellemus, viri docti conferrent cum his fragmentum illud Livii de primo bello Punico, quod a *Matthæo Klockio* in monasterio Salemitano repertum esse dicitur, & in *Actis Societatis regiæ Parisiensis T. V. (histoire de l'Academie Royale des Inscriptions & des belles Lettres)* exhibetur. Ibi enim, ut bene *Suchæus (Souhay)* contra *Schoepflinum* demonstravit, tale dicendi genus observabunt, quod huic familiarissimum, & ab eodem prope homine profectum

Aut esse videatur. Pudeat vero nos hæc fragmenta, nec latina, nec perspicua; nec Cornelii digna, purissimo & elegantissimo scriptori tribuere: potius reiiciamus hunc pannum, nisi nos omnia fallunt, ab homunculo otio nimio affluent, purpuræ Cornelianæ asutum. Sed illud quoque addendum est: *Heusingerum* pro sua conformabit oratione, quod erat in codice, rescripsisse sua conformaverit oratione, & pro *locuplex*, *locuples* posuisse. Ceterum fatemur, acute suspicari *Heusingerum*, Cornelium fortasse Ciceronianorum carminum mentione facta, quam parum feliciter ei hoc studium successerit, commemorasse, & deinde addidisse: *locuples ac divina natura*. Sed de tota re, quid sentiamus, iam diximus.

Hæc sunt, quæ nobis olim super fragmentis his in mentem venerunt. Iudicent vero omnes, qui ubique sunt, an ægre ferre debuerit Vir Cl. hanc orationem meam. Vbi ego insultavi? ubi insectatus sum eum? Non nego, vehementer me mirari, atque indignari fere, virum doctum in *Vindiciis Fragmentorum* (Guelpherb. 1760.) dixisse: a me fragmenta Nepotis traduci atque crebris acerbisque exclamationibus, quas argumentationis vim subiisset appareat, exagitari: me sine ulla, quam quidem agnoscere queat, ratione iudicium ipsius infamare, atque ita ipsum contemnere, ut gregi inficetorum magistrulorum accenseam: me ipsum pueris eruditorumque vulgo deridendum, exhibilandum, explodendum propinasse. Per deum! si quis hæc legat, iudicio meo non antea lecto, vehementer me in *Heusingerum* invecum esse, maximasque concitasse turbas credat necesse est. Quare, ut perspiccerent lectores & iudicarent, an merito illè tam acerbe de mea inhumanitate questus esset, meam disputationem

lam

Iam hic exhibendam esse duxi. Mei ingenii naturæque meæ indolem parum cognitam habet Cl. *Heusingerus*. Vtrum illa fragmenta a Cornelio, an a quovis alio profecta sint, ciccum non interduim. Dic illa Cornelii esse: doce illa Latina, & elegantissima esse: quantam utilitatem litteraræ hinc percipient? Iam nega & pernega, illa Cornelio & Rôma esse digna: an verendum ideo est, nequid detrimenti res litteraria capiat? Neque hic de fama & nomine viri docti agitur. Ego quidem, longe ante, quam hæc fragmenta ediderat, eruditum hominem Cl. *Heusingerum* esse censi. Quomodo etiam, ille, qui hæc fragmenta sibi minus probari dicat, famæ *Heusingeri* detrudere videatur, non video. Nulla ego alia de causa illa tûm scripsi, quam ut acuerem lectorum animos, ut admonerem quosdam, ut attente illa considerarent accuratiusque examinarent omnia. Digladiari, vociferari, rixari de re, ut verum fatear, admodum parvi momenti nunquam mihi fuit propositum. Abhorret hoc non a natura tantum mea, sed etiam consuetudine. *Ob hæc quidem levia & verba & litteras, quid alteri alteros flagellamus?* verissime scribit aliquo loco Lipsius cuius sapientissimas de eiusmodi concertationibus fugiendis sententias parum humanus est, qui non laudet maximopere. Age vero, paucis examine-mus ea, quibus argumenta nostrâ, (nam quis in re tam levi verbum *crimina* ponat?) Vir Cl. dilucere studuit.

Iam primum nondum nos poenitet dixisse, sentire aures nostras sonum quemdam peregrinum in his fragmentis. Nam, quod V. Cl. dicit, in hac antiquæ pronuntiationis ignorantia parum aut nihil sentire aures nostras, quid mólle aut durum

D

vete-

veteribus in sermone visum sit, illud nollem viro docto excidisset. Lubentér largior, nos ignorare veterum pronunciandi rationem: verum idem etiam contendo, si quis satis diu veterum libros legerit, si clara interdum voce Ciceronis, & qui aequales Ciceronis sunt, monumenta recitaverit, tandem hoc assecuturum esse, ut ipsarum aurium iudicio mollia, dulcia, dura, aspera, facile discernat. *Iudicium hoc totum aurium est*, scribit aliquo loco Christoph. Landinus, *modo illæ eruditæ sint*. Nolumus hic repetere, quæ Ludov. Strebæus & Jovita Rapius, præstantissimi huius doctriinæ magistri, super hac re disputaverunt: neque pulchrum Dorvilii ad *Charit.* p. 378. de hac re locum adscribemus. Ipse *Heusingerus* fatebitur, aliter aures suas afficit, si Ciceronem, aliter, si Sallustium, aliter, si Livium, aliter, si Apuleium legat. Quod si nobis dat, ut dabit profecto, nonne simul fatebitur, aures sentire, quæ verborum compositio veterem, quæ recentiorē ætatem redoleat? Commemorabo, quid viris duobus doctis acciderit, quos ipse *Heusingerus* bene novit, & quos idoneos rerum iudices esse, non negabit. Ostendi illis hæc fragmenta, atque ut libere suam sententiam exponerent, petii. Hi vero se eandem peregrinitatem soni animadvertisse atque imprimis in illo: *qui potuerit & etiam debuerit*, hæsisse dixerunt. Hinc igitur ego, homo alias semper mihi diffidens, mihi persuasi certissime, me omnino aliquid egisse, qui in talem quæstionem aurium mearum auctoritatem interposuerim. Sed de hac re satis.

Venio ad alteram: Illam repetitionem verborum *unus & rudis*, nimis angusto spatio factam me offendere dixi. Novi talia exempla frequen-

ter in optimis scriptoribus occurrere, atque ipse etiam nuper in *Antiburmanno* quaedam protuli. Légi praeclaram viri magni, *Jo. Guil. Bergeri*, cuius ut multos similes haberet hac tempestate Germania, saepius optavi, de hac re disputationem in praestantissimo opere, *de naturali pulchritudine*, p. 239. Denique me perperam egisse fateor, qui talia loca non investigaverim in Cornelii vitis. Quid igitur est? Ego sic puto: mirum videri posse cuivis, cui haec fragmenta ob alias etiam causas suspecta sint, si in iis etiam iterationem hanc vocabulorum invenerit. Nonne enim probabile est, haec verba esse indicia scriptoris, parum attenti, atque hanc repetitionem, quam si vel gratam negligentiam, vix tamen virtutem scriptoris, dixeris, favere potius illi, qui haec fragmenta Cornelio abiudicet, quam qui ea illi tribuat? Nunc verba examinemus. *Et etiam* latine dici, nemo facile ignorabit. Neque ego illa alia de causa notavi, quam ob *καταφασίαν*, de qua modo exposui. Eandem ob rationem displicuerunt verba, *adhuc non modo non*. Illa vero *nec rursus* etsi V. Cl. duobus exemplis e Ciccone confirmet, tamen inter rariores formulas referenda esse credo. Atque ideo etiam non formula ipsa mihi parum latina, sed fragmentum non Cornelianum visum est. *Haud quisquam* dici pro *nemo*, ut V. Cl. me doceret, non opus fuit. Nunquam illud reprehendi. Neque ego ellipsin verbi *esse* ignoro, sed illam *hoc loco* duram esse credo. Non nego vocem de eloquentia adhiberi. Hoc nego latine dici: *historiam pronunciare digna voce*. Si in fragmento esset: *res gestas*, ferrem formulam, licet rariorem. At quomodo dici potest *pronunciare historiam* pro *historiam* alicuius populi scribere? Illa

denique *pronunciare historiam digna voce*, si totam hanc loquendi rationem consideres, sapiunt ævum recentius. Porro nondum efficit V. Cl. ut mihi placeat: *philosophiam ante eum innotam Latinam*. Non ideo hoc reprehendo, ut quidam putabant, quoniam duo epitheta, uni substantivo adduntur. Nihil enim frequentius. vid. Giphanii *Ind. Lucret.* 5. v. *epitheta geminata*. Burmann. ad *Ovid. Met.* XV. 229. Broukhuf. ad *Tibull.* III. 22. alios. Verborum collocatio mihi parum probatur; id quod ipse V. Cl. fatetur. Sed videat, an recte verborum ordinem librariorum negligentia perturbatum fuisse dicat. Ipsum quidem initium prioris fragmenti *non ignorare debes* ab exscriptore adiectum esse putat, ut periodi consequentis sententiam fulciret. Atque meminimus, etiam illa verba quibusdam displicere. Probatum etiam mihi fuisse parum concursum plurium accusativorum in litteram mugientem desinentium recte intellexit V. Cl. Atque talia saepissime occurrere apud antiquos scriptores dudum me docuit magnus Gronovius ad *Liv.* XXXI. 22. Insanus essem, si propter solam hanc negligentiam orationem aliquam scriptori antiquo abiudicarem. Sed, ubi plura occurrunt, quae nobis illam suspectam reddant, huius etiam animadversionis aliquam vim esse oportere arbitror. Formulam *eloquentiam oratoriam perpolire* nondum mihi persuasit V. Cl. ut aurea aetate dignam censeam. Neque me verba offendunt, si singillatim ea considerem, quanquam *oratoria eloquentia* mihi non satis Cornelii aetati convenire videtur. Tota formula displicet. Verbum *ponderatius* non prius desinam Cornelio aureaque aetate indignum censere, quam V. Cl. illud non a censoria *Lipsiensis Critici virgula* vin-

vindicaverit, sed auctoritate bonorum scriptorum muniverit. *Hoc genus latinarum litterarum respondet Graeciae* etsi probabiliter defendatur a V. Cl. nondum tamen a me impetrare possum ut laudem. Si in Cornelii vitis hanc formulam invenirem, me ideo nullam litem Nepoti moturum esse profiteor. At in his fragmentis me rarior dicendi ratio offendit. Hic vero non opus fuit, ut V. Cl. ingeniosus esse vellet, meque doceret, non posse aliquem, ante quam natus sit, libros scribere. Neque enim Leonardum Arëtinum horum fragmentorum auctorem esse dixi neque ignoravi, quae Cl. Drakenborch. in *praefat. T. VII.* Livii praefixa de fragmento Liviano disputavit. Verum hoc fragmentum eadem, quae Fragmentum Livii Klockianum barbariei indicia prae se ferre, credidi. Nec mutò sententiam. Sed nolo subtilius aut acrius de his fragmentis disputare. Neque *acerbis illis crebrisque exclamationibus* aliisque, quae sibi V. Cl. excidere passus est, quidquam reponam, quod fortasse iure meo facere poteram. Nam de re levi magnas tragoedias excitare semper mihi ineptum visum est. Considerent viri docti haec fragmenta, atque cum Cl. *Heusingeri* defensione, tum meis argumentis cognitis & examinatis, secundum quem haec liticula dari debeat, statuant.

Homerus contra Renatum Rapinum defenditur.

Legenti mihi nuper Rapini *comparationem Virgilii & Homeri* multa acute & docte dicta, quaedam etiam falsa, neque satis accurate exposita visa sunt. Inprimis displicuerunt mihi, quae in divinis Homeri carminibus reprehendit, & de quibus nunc paucis disputare iuvat. Iam primum p. 171. (utor vero versione latina ex edit Berkel.) vituperat Homerum, quod Chryses Apollinem obtestetur, ut perdat Graecos. Nempe hic dicit:

Τίτιαν Δαναοὶ ἱμῶ δαίμνα σοῖσι βέλουσιν.

Perperam puto. Est omnino sacerdotis pro salute populi precari potius, quam illi mala imprecari, sed voluitne, quaesio, Homerum nobis omnibus numeris perfectum sacerdotem pingere? Neque voluit, neque debuit. Ostendit nobis virum, ira excitatum, ardentem, & plenum indignatione Apollinis vindictam implorantem. Eadem ratio alterius criminis. Indigne fert Rapinus, Agamemnonem insultare Chrysi. Quidni? Homo fuit Agamemnon, quamvis rex, homo tamen, amore & ira occaecatus. Ego reprehenderem Homerum, si Agamemnon puellam, quam deperibat, statim reddidisset patri. Porro dicit p. 172. Priamum se non ut patrem gerere, dicentem se male, reliquos omnes liberos occisos esse, modo Hector reviviscat. Indicet, credo, α. vs. 253.

Αἶψ' ἄμα πάντες

Ἑκτορος ἔτι (λέτ' ἀντιδοῦς ἐπὶ νηυσὶ πεφύεσθαι.

At

At primum quis erat Hector? Mæus Trojanorum, unica spes suorum, unus omnia efficere poterat, Troiamque tutam præstare, quod omnes reliqui non poterant:

Πᾶσι τ' ὄνειαρ

Τρωεὶ τε καὶ πρῶσι κατὰ πτόλιν, οἳ σε θεὸν ὄντι
Δαΐδ' ἔχουσιν

Paulo ante X. 433. mater dixit. Qui vero erant reliqui filii? Ipse pater bellissimos filiolos u. 261. depingit:

Χεῦσαι τ' ὄρχησάι τε, χοροῖσι πύκνισιν ἄριστοι,
Ἀργῶν ἡδ' ἱρίφων ἐπιδήμιοι ἄρπακτῆρες.

Vnus igitur ille omnibus reliquis præstabat. Deinde Priamus pater est maxime afflictus hoc casu, filio, unico solatio, privatus, moestissimus. Tanto in dolore nonne accidit, ut indulgeamus tristitiae, & abrepti vi illius, dicamus optemusve, quas tranquillo animo non faceremus. Nonne etiam in sacra scriptura optat pater, ut loco filii moriatur? Estne etiam crudelitas Achilles erga Hectoris corpus Homero vitio vestenda cum Rapiño? Non puto. Quomodo Achilles, ille durus, atque inexorabilis Achilles, quem neque preces neque munera suorum moverant, mitius agere poterat cum hoste, qui tot Græcos interfecerat? Male fecit Achilles. fateor. parum digna est hæc crudelitas heros, quis negat? An vero Homerus fecit etiam male; qui talem Achillem aeternitati tradidit? Nescio cur Rapinus ab Homero perfectarum virtutum imaginem desideret.

Non mitem & placabilem & virtutis deditum animum, sed μήνιν εύλαμένον canere voluit. (*) Videamus reliqua. Rapinus reprehendit Nestora, quod se admirabile dicat consilium habere, & quo non melius sapientiusque unquam sit inventum. Locus est Il. I. 103.

Αὐτὰρ ἔχων ἔπειν, ὥς μοι δοκεῖ εἶναι ἄριστον
Οὐ γὰρ τις νόον ἄλλος ἀμείνονα τοῦδε νοήσει,
Οἷόν τ' ἐγὼ νοέω, ἡμῖν πάσαι, ἡδ' ἔτι καὶ τῶν.

Quis loquitur? Nestor. quis ille Nestor? senex an iuvenis? Senex. sunt vero senes gloriosi, & poterat etiam iure Nestor gloriosus esse. Tertiam iam hominum aetatem videbat.

Bene Homerus χαρακτήρα senis Nestoris observavit. Vide etiam Clarckium ad Il. A 249. Atque poterat etiam Nestor sua consilia laudare. Quid enim sapientius olim, quam Briseida non esse auferendam tentorio Achillis? quid nunc prudentius, quam Achillem, qui quamdiu iratus fuit, misere Graeci trucidabantur, placandum esse

Δύστρον τ' ἀγατοῖσιν, ἔπειτα τε μιλύχιστον.

Male

(*) Mihi placuerunt semper versus Boilavil in arte:

*Des héros de roman fugez les petitesse
Toutefois aux grands cœurs donnez quelques foiblesse.
Achille déplairait moins bouillant & moins prompt.
J'aime à lui voir verser des pleurs pour un affront.
A ces petits défauts marqués dans la peinture
L'esprit avec plaisir reconnoît la nature &c.*

Et vide inprimis, quæe habet huc pertinentia venustissimus scriptor, Shaftesbury, in *Characterist.* Vol. III. Misc. F. cb. 1. not.

Male pergit Rapinus Homerum Agamemnonem nullam aliam causam, cur Chryseida reddere nolit, afferentem inducere quam quod illam amet. At ego ab eo non maiorem afferre potuisse credo. Omnia vincit amor. Iudicent de hac re, qui blandam hanc vim experti sunt. Ego iuvenis suspicor tantam, nihil maius illum potuisse dicere. At bene habet. Plures etiam causas commemorat: A. 112.

Καὶ γὰρ ῥα Κλυταιμνήστρῃ προβέβουλα,
 Κουρίδῃς ἀλόχου· ἵπαι οὐ ἴδεν ἰσὶ χερσίν.
 Οὐ δέμας, οὐδὲ φῆν, οὐτ' ἄρ' φρίσας, οὐτὶ τι ἴργα.

Ferreus aut ligneus sit oportet, qui plura requirat. Denique non recte Rapinus Homerum fecisse dicit, quod Antilochus Il. 5. equos, omni sensu carentes, exhortetur *argumentis* admodum *puerilibus*. Bona verba quæso! Poteratne Antilochus argumenta graviora adducere, quam si mortem illis minitaretur? Et minitatus est v. 411.

Οὐ σφῶν κομιδὴ παρὰ Νέστορι ποιμένι λαῶν
 Ἔσσιται, αὐτίκα δ' ὕμμι κατακτερεῖ ὄξυ χαλκῷ.

Neque repetam quæ dicat Plutarchus de Metempsychosi, quam a Pythagora acceperat Homerus. Nonne etiam nostra ætate, quæ a veteri simplicitate quam longissime recedit, videmus aurigas sæpe verbis exhortari equos, cum iis quasi colloqui, eos incitare? Adde Antilochum plenum fuisse cupiditate & incensum ardore reportandi præmii. Quid clarius?

C A P. XIII.

Animadversiones in P. Papinii Statii Thebaida.

Si recte illi de humanitatis litteris bene mereri censentur, qui varias codicum lectiones colligant, atque hac ratione cum emendent veterum scripta, tum illestant, cuius de laboris utilitate præclara est disputatio *Petri Burmanni* in præfatione ad *Quintilianum*; atque si vere *Caspar Barthius* de obscuritate *Papinii Statii* & difficultatibus interpreti huius poetæ superandis questus, neque immerito de animadversionibus in illum scriptis gloriatus est, id quod cum sæpius, tum imprimis ad *libr. III. p. 408.* facit: *Ego sane facilius arbitror fuisse, unius Minervæ auxilio quinquaginta beroas interficere Tydes isti, quam nobis ope omnium Muscorum numinum, tantum mendorum & obscuritatum chaos illuminare, indagare, excutere, notare, producere & exstirpare:* ego quoque, si meum qualemcunque laborem aliqua laude dignum esse dixerò, non arrogantius mihi facturus videor. Nolumus vero ambitiosius, quam & nostram ætatem deceat, & pudor noster patiatur, de nostro studio dicere: Facile, quicumque non rudes & imperiti sint harum litterarum, atque etiam Statianum scribendi genus cognitum habeant, me multis poetæ locis lucem adfudisse non exiguum, mihiq; his animadversionibus scribendis multarum molestiarum fastidium devorandum fuisse, intelligent. Nactus equidem sum, a Viro Consultissimo & Doctissimo, *Gottlob Francisco Lehmanno*, cuius amicitia mihi nulla fuit Lipsiæ iucundior, nulla suavior, editionem Statii, a *Fr. Tiliobroga Parisius* a MDC. adornatam, cuius margini *Job. Frid. Christius*, quem merito nuper Lipsia

Lipsia in ornamentis suis numerabat, varias codicis lectiones adscripserat. Ipsum quidem codicem quoniam nunquam oculis vidi, nescio utrum ille Thebaida tantum, an reliqua etiam Statii carmina habeat. Neque aliud quidquam de illo dicere licet, quam quod *Christius* in primo folio notavit: *Contuli Thebaida cum libro membranaceo bono, sexcentis circiter annis, ut opinor, vetustiore bibliothecae Curialis Lipsicae. a. XXXXVI.* Illud vero intelligent omnes multas inesse lectiones bonas, eundemque saepe cum eo, quem *Barthius* optimum librum plerumque appellat, convenire. Observavi etiam aliquoties lectiones, a *Barthio* neque in margine, neque in commentariis memoratas, & quae ideo nostri libri propriae videantur. Sed de his aliquid certi pronunciare non audeo. Dolco enim, mihi haec scribenti egregios *Georgii, Gronovii*, aliorum, labores non ad manum fuisse, quibus me aegre caruisse fateor. Versatus vero sum in his lectionibus edendis sic, ut non omnes in has chartas transferrem, sed eas tantummodo, quae mihi alicuius momenti & prae caeteris commemorandae esse viderentur. Nam etsi probe novi, nihil temere in codicibus negligendum esse, atque etiam ex vitiosa scriptura saepe veram lectionem elici, id quod ipse contra *Cl. Pratonem*, qui in edendo *Sulpicio Severo* mihi in hoc genere non satis fecit, ostendi in *Actis Erudit. Lips. mens. Maj. & Jun. a. 1759.* nullam tamen lectionem, cuius commemoratione aegre carerent viri docti ut omitterem, me longo usu consecutum esse arbitror. Omisi eas, quae aut aperte falsae aut leviores essent. Interdum tamen etiam vitiosas (certe mihi vitiosae visae sunt,) proposui,

posui, quod cur factum sit, ex ipsis locis viri docti intelligent. Si quis reliquarum cognoscendarum desiderio teneatur, certiores nos faciat. Nunquam eorum mores imitabimur, qui codices, quasi dracones aurea mæla, custodiant, & vix in solem & lucem proferant. Denique nihil facilius mihi fuisset, quam multa congerere atque adscribere, quæ diffusæ lectionis & eruditionis magnæ apud imperitos speciem haberent. Sed nunquam hanc gloriolam adeo adamavi, ut illius comparandæ causâ cum mihi molestus essem, tum doctis & acutis hominibus tædium afferrem. Breviter & sæpe uno tantummodo verbo sententiam dixi, semperque ablegavi lectores ad virorum doctorum libros, unde plura exempla copiosoremque doctrinam peterent. Nam vel hinc apparere puto, facile nos, si voluissemus, & loquaces esse & doctos videri potuisse. Et videbunt certe lectores, nos diligenter cum veterum auctorum tum recentiorum criticorum libros legisse. Adpersi etiam aliquoties conjecturas, quibus poetam indigere censui, rectene an falso alii iudicent, nec violentas illas nec multas. Aliquot earum mihi valde placere, ipse non nego. Fortasse etiam in hac re accidit, ut nihil pulchrius nobis videatur, quam quod amemus, atque amor hic *ἑφδάλμωσιν* caliginem nobis offundat. Sed de tota re viri docti iudicent. Nam & horum sententias æquo animo audire atque ferre, & semidoctorum frontem atque clamores contemnere didici. Certe cum nemine de his rebus acriter pugnabo aut manum conferam.

L I B. I.

V. 43. *hostilem propellens caedibus annem Turbidus Hippomedon.* Cod. *hostile agmen.* Sed est procul dubio hæc lectio e glossemate orta. Voluit enim glossator difficiliorem formulam, sed quæ a natura Statii non aliena videtur, faciliori explicare. Nam etsi probe novi, probabiliter hunc versum exponi posse de Hismeneta sive Hismeno fluvio, in quo cum dimicaret Hippomedon, ut vetus interpretes ait, extinctus est, v. infra IV. 144. & L. IX. v. 236. sequ. Ubi etiam v. 255. est: *premit agmina Thebes Hippomedon.* & v. 302. sic *premit adversos*: malim tamen *hostilem annem* interpretari agmen hostium, ut IX. 199. de eo dicitur. *Vix socios hostemque, nihil dum tardet euntem, secernens.* Similiter præpe. II. 223. *foribus cum immissa superbis Vnda fremit vulgi.* Virgil. Georg. II. 461. *foribus domus alta superbis Mane salutantum totis domis aedibus undam.* Silius Ital. IV. 159. *spissæque ruunt conferta per arma Vndæ Boiorum.* sic etiam Graeci. II. A. 723. τὰ δ' ἰκρίσιν ἰδρία πίζων. Sed de his alio loco. v. 112. Tum geminas quatit illa manus. C. tunc — ira. pulchre: convenit enim bene hoc Furiae. Sic v. 428. Sic ira ferebat. atque VIII. 387. tenet in capulis hastisque paratas Ira manus. & X. 402. arma ira dabat. XI. 309. *ensem, quem iam dabat ira, represit.* Lucan. IV. 211. *Addidit ira ferox verba & I. 141. quo spes quoque ira vocasset,* Sic invenit etiam Vir doctus, qui in *Misc. Observo.* Vol. I. T. II. p. 163. varias Statii lectiones exhibet, atque hanc pluribus adstruit. Notum etiam illud Virgilio: *furor arma ministrat.* v. 146. *suffulta C. es-*
fulta.

fula. v. 164. *forte cadebat C. carebat*, quod licet Barthius reiiciat, apte tamen explicari potest. Polynices, quia non statim imperium ex foedere accepit, caruit forte: *exfors fuit*: sic infra v. 300. *alternum regni inficiatus honorem.* & II. 386. *trans legem ac tempora regni iam fratris de parte dabat*, atque 428. *Quae fors iusta mihi* Scil. *sceptra dedit.* v. 196. *Aspera fors populis.* C. *fors*, perpetua & solemnī mutatione, ut docet Drakenb. ad *Sil. XV.* 105. v. 201. *Terra atque unda die.* C. *una.* male, si quid video. Ingenue etiam fateor, me totum hunc locum nondum intelligere, lectis tamen & examinatis omnibus Barthii interpretationibus. v. 227. *mens cunctis imposta manet.* C. *mouet*, quod etiam Barthius in quibusdam libris esse dicit. Si tibi nostri eod. lectio placet, possis etiam vel sic explicare: *mouet in scelus*, excitat ad flagitia, ut *Lucan. IX.* 642. *Eumenidum crines solos mouere furores.* & III. 358. *Vana mouet Gratos nostri fiducia cursus:* vel etiam *re mouere* tanquam absolute positum interpretari, ut Gellius non semel dicit *terram mouisse*, pro commotam esse. vid. *Sciopp. Verisim. III.* 8. Barthio miror *imposta* in mentem venire potuisse. Mihi sensus loci videtur hic: cunctis malam esse mentem inditam, atque hac eos excitulari. v. 255. *Extinguas.* C. *Reslinguas*, vid. Barth. v. 291. *non revocabile verum.* C. *inrevocabile.* sic etiam in O. M. p. 169. v. 295. *se tollat.* C. *attollat*, sic ibid. p. 170. v. 309. *inborruit aura.* C. *umbra.* vitiose. quod puto inde ortum, quia praecedens versus desinit in *unbras*, quodque saepe librariis peccandi occasionem dedisse animadvertimus. v. 331. *lasmusque inclinat ad aquora montem.* C. *lassumque.* elegantissima lectio, quamque iam

iam Barthius e Lutatii commentario protulit. Similiter noster *IV.* 357. *ipsa vetusto Moenia lassa situ, magnaquo Amphionis arces iam fessum senio nudant latus.* vid. Oudendorp. ad *Lucan.* *IX.* 968. *Ovid. ex Pont.* *I.* 4, 14. *Fructibus assiduis lassa senescit humus,* & *Ep.* *IX.* 56. *Qui lassas in se saepe retorquet aquas,* ubi similis in codd. varietas. vide ibi Burmannum, & nos infra ad v. 550. sic etiam recte puto viros doctos legere apud Petron. *C.* 122. *rupta tonabant verticibus lassis montis iuga pro lapsis.* v. 347. *iam claustra regentis Aeoliae perclusa sonant.* *C.* *perculsa.* quae lectio probata etiam est Barthio. Nolim tamen cum eo interpretari locum per ventorum spoluncas ab Aeolo percussas, sed potius de ventis, qui summa vi exire conantur, atque ideo claustra percutiunt, ut etiam vetus interpretes sumsisse videtur. v. 348. *venti transversa frementes,* *C.* *minantes.* Vtraque lectio defendi potest. *Lucan.* *IX.* 320. *densis fremuit niger imbribus Auster* & *L.* *V.* 608. *non Euri cessasse minax.* *Ovid. Trist.* *I.* 2, 24. *aer — nubibus ille minas.* *Inter utrumque fremunt inhumani turbine venti.* *Horat. Quodcunque minabitur Eurus.* Sed hoc loco praefero vulgatam lectionem ideo, quia praecessit *ore minatur hyems,* etsi talia sciam optimis quoque scriptoribus excidisse. v. 352. *Diffunditque imbres.* *C.* *Desudit.* corrupta lectio, sed e qua bene recta & elegans elici potest. Puto equidem, poetam scripsisse *desudat,* quod Statianum videtur, certe haec verba confunduntur in codd. vid. Burm. ad *Claudian. in Rufin.* *I.* 304. *morbis — Stygiam pestem desudat in annes.* Constructio vero haec satis nota est. *Virgil. Ecl.* *IV.* 50. *Es duras quercus sudabunt roscida mella.* *Iustin. XXXVI.* 3, 4. *Arbores, ceris anni tempore balsamum sudant,*

ut

ut Graeci *ῥῆν* etiam usurpant: Euripid. *Hecub.* 528. *πλῆρες δ' ἐν χερσὶν λαβὼν δέπας, πᾶν χερσὶν ῥῆν χερσὶ πατρὶς Ἀχιλλέως χοῶς θανόντι πατρὶ.* Theocr. V. 124. *ἰμβρα αἶνθ' ὕδατος ῥῆτω γάλα.* Occurrit tamen apud Lucan. IV. 80. *diffusum aequor*, id est, imber. Sed nescio, quomodo valde mihi haec coniectura mea blandiatur. Intelligetur vero hinc saepe sub corrupta scriptura latere lectionem veram. v. 353. *Persolidat.* C. *Praesolidat.* v. 384. *Laevus habens.* C. *habet.* quod Barthius recte concinnius censet. v. 407. *gelida.* C. *gelidam.* v. 409. *passi.* C. *passis*, ita ut dependeat a praecedenti *ambobus.* v. 456. *limina forte.* C. *portae.* v. 406. *nobis sociare cubilia terrae.* Christius adscripsit in margine coniecturam: *non vis.* Sed nihil illa opus est. Est enim, ut viri docti notaverunt, abruptio sermonis, Statio familiaris, & sensus hic: Centauri & Cyclopes una habitant, atque etiam monstris sua iura sunt. Nos vero ne humi quidem simul cubare volumus, aut interrogative, velimus? sensus est planus. v. 466. *mens sibi conscia fati.* C. *facti*, nempe ut incestum indicet, aut quod Barthio placet, malum in patrem animum factumque. v. 550. *frustraue sonantia laxant ora canes.* C. *lassant.* quae lectio verissima mihi videtur, neque ullo modo a librario proficisci potuisse. Ita etiam legit Heins. ad Ovid. *Trist.* II. 4, 59. *Laxus, lassus, lapsus* inter se commutari iam supra vidimus, & docent Drakenb. ad *Sil.* VIII. 322. & X. 606. atque elegantissimus Heynius ad *Tibull.* p. 206. sic apud Luc. II. 618. ubi similis est varietas a viris doctis notata, *laxae undae* & VI. 45. *Flumina tot cursus illic exorta fatigant.* V. 703. *lassatum fluctibus aequor.* vid. Burm. ad Ovid. *Met.* XIII. 644. ubi etiam codices variant.

variant. Ponunt etiam poetae verbum *fessum* eodem significatu. Ut naves, turres *fessae* vid. Heinsf. ad *Claudian.* p. 16. & *Burm. ibid.* p. 55. edit. nov. v. 570. *primis & pubescentibus annis.* C. in *pubem ineuntibus.* Alii libri iam habent *pubem ineuntibus.* Nonne illud nobis *Statianum, pubescentibus* vero glossa Grammatici, difficiliorem & rariorem formulam usitato verbo explicare cupientis videatur? v. 613. *sub pectore duro.* C. *duro,* perpetua, ut notum, mutatione. vide intt. ad *Ovid. Met. III.* 354. & *Burm. ad Fast. II.* 429. atque *Bentleium* ad *Horat. Epod. XIII.* 10. & *II.* 12, 3. *Carm.* v. 618. *squalentia pectora tabo.* C. *lientia.* Vtrumque defendi potest. sed vulgatam praefero, quoniam in praecedenti versus fuit; *Liventes in morte oculos.* Quanquam fortasse talia non sunt ad vivum refecanda. v. 652. *praeestabit.* C. *praeestabat,* quod probat vir doctus in *Obs. Misc.* p. 182. & *Barthius.* v. 685. *de solibus horret.* C. *erret.* de qua varietate vid. *Heinsf. & Burm.* ad *Ovid. Fast. I.* 495.

LIB. II

Vs. 9. *Transabit costas cognatis ictibus ensis.* *Christius* legit *actibus.* quae lectio, si codice firmaretur, non negligenda videretur. Certe *actus* & *ictus* confundi docent *Burm.* ad *Ovid. Fastor. III.* 741. *Trist. III.* 1, 11. & *Oudendorp.* ad *Lucan. III.* 469. qui etiam eodem in *Lucano* v. 494. *Et sudibus crebris & adusti roboris ictu Percussae cedunt crates conii-*
cit actu, quia passim etiam tela & missilia agi dicantur. Sed vide praeter aliis *Burm.* ad *Valer. Flacc. II.* 179. vs. 37. *Illic exhausti* &c. usque ad v. 40. *tonitrui* *pulsant* desunt in membranis *Lipsiens.* invito *Barthio.*

thio. v. 55. *Hac & tunc &c.* abest, sed perperam. Obiter noto Cl. Valckenar. ad Ammonium, in *Animado.* p. 135. in v. 58. pro *inediaeque silentia lunae* non male legere *mutaeque*. v. 63. *principiumque suum.* C. *sui.* v. 67. *suam & iuga.* C. *sedem & iuga.* v. 124. *vulnere.* C. *sanguine.* quae mutatio satis frequens est. vid. Heins. ad *Ovid. Rem.* 29. & Burm. ad *Met.* XI. 9. atque hoc quidem loco tamen *sanguine* procul dubio e glossemate ortum est. Nam vetus interpres, sive Lactantium eum dicas, sive Lutatium, scribit: *vulnere pro sanguine posuit.* v. 158. *procorum Turba petat.* C. *petant.* Sic Virg. *Aen.* II. 477. *omnis Scyria pubes succedunt tecto,* & noster Sylo. III. 1, 85. *Huc omnis turba coimus.* Theb. I. 561. *Plebs Argiva litant,* & infra. v. 523. *tacitis buc gressibus acti. Deveniunt peritura cohors.* Sed quid de re minime ignota multa verba faciamus? vid. Heins. ad *Ovid. Met.* IX. 421. v. 162. *late dominantibus armis.* C. *arist.* Sed perperam, ut etiam vir doctus in *Obs. Misc.* p. 191. iudicat, cui recte probatur *armis.* Saepius haec verba in codd. inter se invicem permutantur, ut docet Oudendorp. ad *Lucan.* IV. 582. v. 187. *Tu potior Thebane queri.* C. *poteris:* quae lectio similis illi in *Obs. M.* p. 192. *Tu potis es.* v. 217. *Tantum ausae proferte manus.* C. *perferre.* quam lectionem Barthius defendere vehementer conatur, sed, si quid video, non bene. Non enim sermo est, de onere aut summo aliquo labore, quem *pertulerint* manus, sed potius de arte pictorum aut statuariorum, qui imagines simillimas vivis protulerint. Caeterum verum est, quod dicit Oudendorpius ad *Lucan.* IV. 263. electionem verioris lectionis in compositis cum praepositionibus *per.* & *pro* a solo de-

dependere iudicio: MSS. hic nos niti vix posse, cum semper in illis confundantur. v. 221. *pronulquo ferens caput* Christius coniecerat *nudo feriens* sed vide Barthium: v. 227. *matres. C. matrum.* ita etiam codd. in Obs. M. p. 193. improbante viro docto. v. 233. *primaeque modestia culpa.* C. *molestia.* quod nescio an melius sit faciliusque explicari possit illo, etsi Barthius dicit, hanc lectionem nulli bono esse. Amabo te, lector, quid est, *modestia culpa?* an modesta culpa? Et quid hoc est? At *molestia culpa* est culpa molesta. Nempe amissionem virginittis culpam putant, eaque illis molestia est. v. 242. *velit. C. velint.* v. 250. *gaudia vulgi. C. patris.* Habet utraque lectio eundem prope sensum. Malim tamen hanc probare, & ad Adrastum referre. vide etiam Barthium. v. 282. *interplicat atro. C. auro.* probarem lectionem, nisi praecedens versus desineret *taurum.* Sed fortasse vel sic probanda est. v. 338. *magnas latrantia pectora curas. C. iactantia.* quae lectio, licet dissentiat Barthius, e glossa orta est. Illud verbum quod Statianum esse neget, nae ille indolem poetae huius parum cognitam habeat, necesse est. exempla habet etiam Burman. ad *Petron.* c. 119. p. 731. edit. nov. Invenit tamen vir doctus in O. M. p. 202. idem verbum in duobus codd. at iure meritoque improbat. v. 367. *Fit mora consilio. C. Nec.* tum locus foret explicandus sic: neque longa deliberatio moras iniicit, sed, etsi multi multa proferrent, omnes tamen uno ore decreverunt, &c. v. 368. *Jam. C. Nam;* v. 386. *ferens. C. ferus.* quod merito probat Barthius. Bene enim hoc convenit Etheocli, quem paullo ante *durum* vocavit, & III. 78. *Rex ferus.* v. 393. *plena fides. C. plana.* v. 396. *Fortunam*—

*discedere. C. Fortuna — descendere. bene. probat etiam Oudend. ad Lucan. I. 335. ex hoc iam te improbe regno Ille tuus saltem doceat descendere Sulla. Eadem est in codd. varietas apud Ovid. Rem. Am. v. 121. apud Tibull. I. 2, 19. ubi vid. doctissimum virum, Heynium, atque etiam supra a Barthio notata ad v. 317. L. I. humilem decedere regno Germanum, ubi ille sic: clare in MS. optime descendere. Quam lectionem non erat librariorum aliquis comminisci. Descendere de privatione vitae & regni dici docet etiam Burm. ad Claudian. p. 68. v. 398. *partae. C. partae.* quae diversitas verborum notata a Burmanno ad Ovid. Met. XII. 293. & XIII. 348. Sed praestat hoc loco vulgata. v. 403. *aperto. C. apertos.* v. 413. *totosque agitata per artus &c.* licetne coniecturam aliquam proponere? licetne dicere, me malle *tortos*? Has quidem voces commutari inter se docet Oudend. ad Lucan. III. 672. & Burm. ad Ovid. Met. X. 424. Hoc vero verbum saepius tribuitur a poetis anguibus. ut Ovid. Met. IV. 482. *tortoque incingitur angui.* II. 138. *tortum declinet in anguem.* & sic saepissime. v. 431. *melioribus adis leg. maioribus,* (de qua varietate vid. Burm. ad Ovid. Met. XIII. 102.) quod etiam Barthio placuit. v. 450. *patres. l. patris.* Fortasse sic defendi potest hic locus, qui etiam merito Barthio displicuit: Nihil haecenus, inquit, de his apud Thebas hic legimus adeo subito nunc exoriuntur, ut instar Spartarum, de terra modo erepsisse putare possis. Haec ille. Sed quid? si locum sic explicemus? *Etheocles paullo antea dixerat: respice quantus Horror & attoniti nostro in discrimine cives.* Nunc dicit: fac etiam, me regna reddere velle, *nec ipsi patris Reddere regna sinent:* non illi cives sinent me imperium*

perium a patre acceptum reddere. Hic mihi verus videtur loci sensus, quem etiam vetus interpres ex parte vidit. Nihil ager, qui hic prolepsin esse dicat, eamque omnibus poetis familiarem fuisse centum confirmet exemplis. Ego semper, quidquid dicant alii, prolepsin vitium puto, & tanquam verbum, e cerebro Grammatici, quasi Minervam aliquam, procreatum contemno. v. 453. *non si te ferreus agger ambiat. C. tibi. considerent velim attentius viri docti hunc locum. Estne fortasse hic tibi sic sumendum, ut multis aliis in locis? Sic III. 14. totos raperent mihi funditus Argos. Exemplum dabunt multa Rittershusius ad Oppian. Cyneg. I. 89. Dausqu. ad Sil. p. 360. & 396. Westerhovius ad Terent. Andr. IV. 2, 1. Curtius ad Cicor. Epist. IX. 2. Perizonius ad Aol. XII. 25. atque Hoogetveen ad Viger. p. 132. Sanct. Minerv. II. 4. ibique Perizon. n. 5. vide etiam Heumannum ad Minuc. Fel. V. 6. qui plures laudat, v. 464. nec fallit origo Oedipodes tu solus eris. C. sed — eras. vide Barth. v. 484. Pectora: C. Corpora. vid. O. M. p. 316. v. 509. visusque frementi Collustrat campos. C. visusque trementi. Sed melius mihi vulgata cum Sphynge, tum etiam, quia magis poetica est, Statio convenire videtur. Quam saepe hae voces permulentur in codd. docet Burm. ad Ovid. Met. IV. 136. Informes vero animo Sphingem, igneis quasi & e quibus crudelitas emineat oculis prospicientem, an aliquis adveniat, qui aenigma solvere velit, quemque dilaniet. Prope ita Lucan. VII. 291. faciesque truces oculosque minaces. Ovid. Met. VI. 621. oculisque tuens immitibus & VIII. 466. saepe suum servens oculis dabat ira ruborem, ubi unus cod. praefert furor. Tamen Met. III. 577. Adspicit hunc oculis*

Pentheus quos ira tremendos fecerat, quem locum una cum eo nostri. v. 732. *vultusque tremendos Magnanimum regum* laudare poterat vir doctus in O. M. p. 218. qui emendat: *tremendo*. v. 549. *voco*. C. *vocor*. v. 573. *Terrigenas confessus avos*. C. *confisus*. v. 588. *divisus*. C. *diffusus*. ita etiam in O. M. p. 221. Ovid. *Met.* X. 239. *in omne latus diffusa sonabat Flamma*. v. 590. *impediunt numero*. C. *impeditant numero*. v. 591. *ipsa*. C. *ipsam*. recte probat vir doctus in obs. Misc. p. 222. v. 593. *manet ille cruentis*. C. *ruentes*. vid. Oudenorp. ad Luc. I. 254. & Burm. ad Ovid. *Fast.* II. 752. *stricto quolibet ense ruit*, pluribus hanc formulam illustrantes. in Ob. M. est *ruentum*. v. 599. *lapso*. C. *lasso*. optime. v. 605. *passum*. C. *passus*. bene. v. 617. *nimiis*. C. *magnis*. v. 674. & *tetra*. C. *ac atra*. v. 721. *nostras invisere caedes Monte venis*. C. *velis*. Sed vulgata magis placet, etsi sic etiam duo codd. in O. M. p. 237. Virgil. *Aen.* I. 527. *non nos aut ferro Lybicos populare penates Venimus aut raptas ad littora vertere praedas*. & supra I. 224. *nunc geminas punire domos* ... *descendo*. vid. Barth. ad Theb. I. 616. & Gronov. Obs. II. 14.

LIB. III.

V. 13. *Et Chromis*. C. *It*, quod non explicet; sed tum post *Thespiadae* comma foret delendum. v. 35. *Eco*. C. *in medio*. v. 61. *atq.* C. *ita*. v. 71. *bellum infandum cunctisque negatam Mors* *funeste aciem*. C. *ominibusque*. quae lectio mihi non negenda sibi videtur. Quomodo vero exponas locum? an sic? *infaustis ominibus moveri debuisse illum*, quo minus mitteret milites: ut Ovid. *Met.*

IX. 594. Ominibus certis prohibebat amori Indulge-
 re meo. Iudicent eruditiores. v. 115. ardua. C.
 invia. v. O. M. p. 240. v. 141. hominem revocare
 canendo. C. renovare. Luc. IX. 183. & re-
 novare parans bibernas Apulus herbas, atque IV. 600.
 iam defecta vigent renovato robore vires, ubi eadem
 est varietas. Ovid. Met. VII. 177. Arte mea foci
 langum tentabimus aevum Non annis revocare tuis. &
 215. Non opus est succis, per quas renovata senectus
 in florem redeas, quibus in locis alii codices habent
 renovare, alii revocare. v. 163. miserandaque. C.
 numerandaque. non probo. v. O. M. p. 241. v.
 191. fato. C. facto. v. 211. quantum crudelo ru-
 bebitis amnes. C. quanti. Sic legit etiam Heinsius
 ad Claudian. p. 2. ed. Burm. v. 240. pugnare.
 C. pugnare. v. 250. ac. C. aut. vid. Bart. v. 257.
 abactas. C. abactio. recte. v. 271. Harmonies.
 C. Ermione, falso, ut docet Burmannus ad Anthol.
 p. 54. & 55. v. 308. Cui modo. C. Qui. quae
 lectio placet. Est vero tum Apoliopesis in hoc lo-
 co. Qui modo — (scil. gravissima minatus est) pro
 vires. Vulgata faciliior est: haec sublimior & ma-
 gis poetica. v. 313. acies. C. gentes. Barthius
 invenit etiam in cod. Bella dabunt gentes, quod
 probat. v. 340. Iffe. C. Esse. v. 349. Ductor.
 C. Auctor. v. 351. iura C. sura. v. 368. vita-
 que nocens. C. vitaeque. vid. Barth. v. 401. uter-
 que. C. utrinque. v. 412. Diripiunt — calidis
 humentia loris. C. Deripiunt — roseis spumantia. Di-
 ripere & deripere saepissime in codd. permutari no-
 tum est. vid. Heins. & Burm. ad Ovid. Amor. I.
 5, 13. & saepius ad eundem scriptorem. roseis
 placet valde, nam rosei equi cum aurorae tum soli
 tribuuntur. vid. Cl. Heynium ad Tibull. I. 3, 94.
 hunc illum nobis Aurora nitentem Luciferum roseis
 can-

candida portet equis. Add. Ovid. *Am.* I. 8. 3. *nigri non illa parentem Memnonis in roseis sobria vidit equis.* & *Fast.* IV. 714. *Postera cum veniet terras visura patentes Memnonis in roseis lutea mater equis.* At an de pectoribus dici possit *spumare* nescio. Habemus quidem apud Lucan. VI. 399. *frenosque momordit spumavitque novis Lapithae domitoris habenis.* Et apud Ov. *Am.* II. 9. 29. *Ut rapit in praeceps dominum, spumantia frustra Frena retentantem durior oris equus.* *Spumantia* ora etiam saepius occurrunt, vid. Heinsf. ad Ovid. *Met.* II. 342. Sed *spumantia pectora loris* me non memini legere: venit mihi tamen alia lectio in mentem. Nempe voces *spumare* & *fumare* passim a librariis permutatae sunt; id quod docent Heinsius loco modo laudato, & Drakenb. ad *Sil. Ital.* I. 126. & II. 163. Quid igitur si etiam hoc loco legendum esse coniciamus? *roseis fumantia loris Pectora.* Sic Lucan. IV. 754. de equo: *fumant sudoribus artus.* Ovid. *Met.* XIV. 363. *equique celer fumantia terga relinquit.* ubi alii libri *spumantia.* & Statius noster *Silv.* I. 1. 21. de equo Maximi Domitiani, *ne tardo raptus prope flumina cursu Fumat* — ubi vid. Barthius. v. 427. *currum. C. cursum.* sed praestat vulgata. v. 436. *Et vulso. C. evulso.* vid. Barth. v. 437. *motis. C. montis.* v. 446. *adstringeret.* vide de hac voce docte differentem Gebhardum in *Crep.* III. 8. v. 469. *lavavit sole pruinas. C. laxavit.* quod illi longe praefereendum iudico. Similiter prope Calpurn. *Ecl.* V. *dum matutina relaxet Frigora sol.* quem locum cum aliis huc spectantibus laudat Heinsf. ad Ov. *Her.* II. 123. noster IV. 1. *Tertius borrentem Zephyris laxaverat annum.* Sed huius formulae alia videtur eademque ratio, quae illius: *terram laxari vere*, ut Virg. *Georg.* II. 33.

Zephyrique tepentibus auris Laxant arva sinus. vid. Heins. ad Ovid. II. 123. *Epist.* Gronov. ad Senec. *Herc. Fur.* 8. *Hinc quae tepenti vere laxatur dies.* & Burm. ad Petron. c. 122. p. 750. Legit sic etiam Lutatius. v. 503. *limite. C. limine.* v. 505. *plausserit. C. planxerit.* male. Ovid. *Met.* VIII. 238. *prospexit ab ilice perdix & plausit pennis;* ubi Burmannus plura exempla laudat. Lutatio tamen, *planxerit* probanti, favere potest Ovid. ad *Liv.* 109. *Sic plumosa novis plangentes pectora pennis Oeniden subitae concinxisse aves.* v. 537. *Et plumis stillare diem. C. stellare.* quam lectionem probem quæris? neutram. Sit hoc exemplum immaniloquentiae ut Barthius dicit, Papinianæ. Certe Virgilius non minus eleganter & minori tamen cum tumore hanc rem dixit. At si argutari lubet, *stellare* praefero *stare* *stallare*. Hoc enim de iis tantum dici potest, quæ fluida sunt, ut poetae saepe *mella ilice stillare* aut *gladlos & sidera sanguine stillare* dicunt. Quis vero dicat aërem stillare plumis? sed fortasse in Statio talia non sunt ad vivum reseranda. Quare malim *stellare*, etsi fatear, me simile exemplum ignorare. Possis tamen sorte aliquid lucis huic loco affundere ex iis, quæ de verbo *stellatus* Salmasius ad *Solin.* p. 533. & Burm. ad Ovid. *Met.* V. 461. *variis stellatus corpora guttis* adnotaverunt. Praecedens versus, ut uno verbo dicam, ridiculus est. Potestne homo sanus dicere; ventos rorasse sanguine? *Inexperto* malim sic explicari: venti sanguine maduerunt, quod nunquam antea factum fuit, quod nondum experti fuerant antea venti: quam cum Scholiaste Barthiano: *non enim solent alioquin cygni pugnare.* v. 563. *ac debile. C. & flebile.* multis de hac varietate agunt Heins. & Burm. ad *Ov. Trist.* III.

4, 20. v. 564. *scrutamur. C. scrutati.* v. 574. *Biffenos — dies. C. Biffeno — die.* v. 583. *Horrentesque. C. Haerentesque.* ita etiam in Ob. Misc. p. 250. quas vide, v. 619. *prorumpit. C. prorumpere.* v. 627. *nam te vesano moneri Ante nefas. C. moveri.* Sed *monere* verbum de hac re prope proprium. Sic Tibull. III. 4, 5. *Divi vera monent; venturas nuncia sortis, vera monent Tuscis exta probata visis, & v. 11. sive illi vera moneri.* vid. Burm. ad Ovid. *Met. II.* 639. qui plures laudat, quique iam laudatus est ab Heynio, V. Cl. ad Tib. I. 6, 49. *moveri* vero dici *τοῦ ἐκδοῦναι* docet Gronov. in *Obs. I.* 23. Frequentem esse horum verborum confusionem docet Burm. ad Ov. *A. A. III.* 651. quem omnino consule. v. 636. *Fati. C. prima.* v. Barth. v. 647. *simul. C. semel.* sollemni permutatione, vid. Burm. ad Ov. *Met. IV.* 450. VI. 511. v. 658. *obstrusa. C. abstrusa.* quod illi praeferendum omnino v. Oudendorp. ad *Lucan. IV.* 293. v. 667. *dementia. C. clementia.* quas voces ob similitudinem litterarum *d* & *cl* saepissime a librariis confundi observamus. v. Drakenb. ad *Sil. It. II.* 52. Hoc loco videtur mihi, licet Barthius aliter sentiat, magis codicis nostris lectio probanda: favor & gratia Apollinis, quam iactas, sive vaticinandi scientia &c. v. 692. *facem. C. vocem.* vitiose. *profundo. C. propinquo.* quod melius videtur. nempe ut ad maritum referatur. v. 696. *iacentis. C. tacentis.* quod si probes explicare poteris e v. 690. *non ille iubet.* sed praestat omnino vulgata, ubi *iacere* interpretor, negligi, v. Burm. ad Ov. *Trist. V.* 7, 48. *Vietaque pugnaci iura sub ense iacent,* ubi alius cod. habet *tacent.* vide etiam ad *Met. XV.* 189.

L I B. I V.

Vs. 2. *limite*. C. *limine*. v. 29. *stant tamen* — & 20. *Dulce. sequi* — defunt in codice nostro. v. 31. *notam puppem*. C. *nota puppin*. v. 64. *gesa*. C. *cesa*, quod si pro *caesa* scriptum esse dicas, sensum elicies non malum. Tum opponerentur ro-
bora *caesa manu* roboribus flammis induratis. Sed procul dubio vulgata lectio, ut difficilior, huic praeferenda est. v. 66. *Mox*. C. *mos*. recte. v. 67. *diem praecingere gyro*. Christius coniecit *praestringere*. Sed etsi probe novi *praestringere* esse idem, quod obterebrare, atque etiam saepe poetas lucem telis obscurari dicere memini, hanc tamen coniecturam non probo. Verbum *gyrus* mihi firmare videtur *to praecingere*, atque ipsa locutio Statiana est, quam quae maxime. Nolim tamen interpretari locum cum Barthio per *aerem obscurare*, qui sensus non est verus, sed potius de rotatis aut circumactis fundis exponere. v. 70. *lassa*. C. *laxa*. vid. Barth. v. 130. *nivea*. C. *niveum*. Heinsius ad *Claudian*. p. 13. ed. *Burm.* legit: *niveum. candente*. vid. etiam *Qbf.* Misc. p. 254. sed quemadmodum viros doctos insolitus verbi *scandere* usus offendisse videtur, ita mihi non tam placuit, quam persuasit, nihil esse mutandum. Satis etiam bene Barthius locum interpretatur. v. 131. *tegunt*. C. *terunt*. v. 138. *longe*. C. *longo*. v. 155. *armat*. C. *arma*. non male: coniunge vero cum *tu gentilis honor*. v. 163. & *lassos qua reclinaverat artus*. C. *laxos qua reclina-
verat arcus*. Quod valde placet. nam bene cum ro-
bore sive clava coniunguntur sagittae, quibus Nemeaeus leo non poterat periri; deinde etiam sequenti versu idem illud prope dicitur, quod vul-

vulgata indicat lectio. v. 176. *arce*. C. *arte*. non probo. v. 178. *dali*. C. *vir*. v. 197. *nisi*. C. *si*. v. 219. *prensas*. C. *pressas*. vid. Zinzerling. *Pro-muls*. Crit. c. 38. & Oudendorp. ad *Lucan.* III. 664. v. 239. *notant*. C. *natant*, quod probat Barthius. v. 241. *patria*. C. *putria*. v. 247. *armo-rum*. C. *annorum*. quae mutatio saepe annotata a viris doctis ad Ovidium, ut *Epist.* I. 105. *Art.* I. 181. &c. Hanc lectionem mihi stabilire videtur v. 252. *Nec desunt animi, veniat modo fortior aetas*. v. 249. *forte*. C. *foret*. pulchre. v. 250. *aversa*. C. *adversa*. v. 260. *Mortis percussus amo-re*. C. *percussus*. quod compluribus exemplis adstruit Barthius. Oudendorpius ad *Lucan.* I. 487. hanc differentiam facit inter haec duo verba, quae in codicibus perpetuo invicem permutantur: *per-celli* nempe dici, qui quasi fulmine icti extra se rapiantur, & prae subita animi invasione nesciant, quid agant: *percuti* vero, qui quovis alio motu tanquam vulnere leviori ita afficiantur, ut sibi tamen prospiciant. Sed nescio an ad hanc regulam omnium locorum lectiones exigi possint, & debeant. Perquam raro videas constanter duarum vocum differentiam, quam critici tanquam certam & perpetuam proposuerunt. a scriptoribus fuisse observatam. Heinsius ad *Virgil. Aen.* IX. 197. probare videtur *percussus*. vide eundem ad *Georg.* II. 476. confer Bentleium ad *Horat. Epod.* XII. 2. & Burm. ad *Petron.* c. 111. v. 270. *Electro* — deest in codice *Lipshensi*. v. 288. *Aleat*. C. *altae*. *perperam*. v. 333. *binc*. C. *hoc*, id est, propter hoc. vid. Obs. Misc. p. 256. l. c. v. 337. *sela*. C. *bella*. quod miror Barthio placuisse. Nam tela, addit, iam habebat. Imo habebat igitur quoque ferrum. Sed mater dicit, se ipsam tum illum ad bellum

bellum esse adiortaturam. Hanc certe vim haec verba habere puto. Quid vero est *bella dare*? an si loqui poteris? nisi fortasse velis dicere, verbum, quod alterutri tantum substantivo respondeat, proprie duobus subiunctum esse, de quo copiosissime egit Dorvill. ad *Chariton.* p. 395. v. 351. *gaudia vulgi.* C. *belli.* vid. Barth. v. 368. *fugit.* C. *fuit.* non bene. v. 410. *spirantibus extis.* hunc locum exemplis illustrat Burmannus ad *Anthol.* p. 203. v. 423. *opaca quies.* C. *operta.* quod puto glossatoris esse. *Opacam* vero quietem puto dici ut apud Ovid. *Met.* III. 438. *Sed opaca fufus in herba spectat* &c. ubi Burmannus dicit, opacam herbam hoc loco esse, quam opacat silva: quem ibi vide & ad *XIV.* 122. eadem varietas infra v. 540. & Barthio notata est. v. 460. *frondes.* C. *frontes,* quam lectionem iure laudat & probat valde Barthius. Ego locum de coronatione arae interpretor. v. 500. *sacramus ignem.* C. *saturamus,* quod, si Statii indolem cogito, non negligendum esse arbitror: An forte adjuvant loca Ovidii: *Ep.* XIII. 37. *scilicet ipsa geram saturatas murice vestes,* & *Met.* XI. 166. *Verrit humum Tyrio saturata murice palla:* aut *IV.* 758. *Largis fiantur odoribus ignes,* Senec. *Oed.* 632. *nec parum pluvio aethere satiata tellus habitu sicco nocet atque* v. 563. *sanguinem libat focis solidasque pecudes urit* & multo specum saturat cruore. Et ipse noster *Sylv.* I. 2. *Robora Dalmatico lucent satiata metallo.* vid. Burm. ad *Petron.* C. 135. *At paries circa palea satiatus inani.* Certe si recorder, ignem dici *avidum,* dici *edacem,* dici *vorare* (exempla collegerunt Heins. ad *Ov. Amor.* I. 15, 41. & Burm. ad *Petron.* C. 122.) non nimium me haec formula offendit. Sensus tum foret hic: quorum in honorem

norem hunc ignem accendimus & nutritivimus.
 v. 505. *medicata venenis Colchis aget. C. armata.*
 Haec mihi lectio vehementer arridet: convenit
 enim hoc verbum nescio quomodo bene *agere*.
 (etsi non ignoro receptam lectionem multis exem-
 plis stabiliri posse, ut apud Ov. *Med. Fac.* vs. 9.
Vellera saepe eadem Tyrio medicantur aëno, ubi
 cod. Vat. *medicata veneno.* & sic saepius.) Virg.
Aen. XII. 857. *Non secur ac nervo per nubem im-*
pulsa sagitta, Armatam saevi Partibus quum felle ve-
neni. Iustin. XII. 10. *sagittas veneno armant.* con-
 tra Calpurnius *Ecl.* V. 94. de serpente: *inani de-*
bilis ore Marcet & obtuso iacet enarmata veneno, ubi
 vid. intt. v. 517. Sed. C. si, quod si probas,
 tum post taceo erit signum distinctionis delendum:
 si nihil de hoc dico, causa est senectus mea.
 v. 522. *nigra patefunt Tartara. C. Flumina.* Hoc
 ego a manu Statii esse existimo. Nam dum aliquis
 minus notum verbum *flumina* explicare voluit, ad-
 scripsit: *tartara*, quae vox deinde in textum ir-
 replit, sed inde eicienda est quantocyus. v. 529.
Supereminet. C. super imminet. probe. v. 535. *au-*
gustam. C. angustam. Quarum utra vera lectio sit,
 haud facile dixerim. Nam & poteris sic explica-
 re: ipsam etiam umbram Aegeonis, cui vivo cen-
 tum brachia fuerant, magnam aliquam & *angu-*
stam prae se speciem ferre: & alio modo, ut Lu-
 tarius, per *tenuatam* interpretari. Nam aliorum
 interpretatio: *vinculis compressam* mihi non placet.
 Neque placet tertia interpretatio a Lutatio pro-
 posita: quia maior sit in umbra inani, quam in
 corpore magnitudo, ideo *augustam* vocari: quod
 de manibus dici non potest. Longe alia est res, si
 de umbra a corpore facta sermo sit, v. 546. *sparsas.*
C. sparso. utrumque bonum sensum habet. v. 548.
effusi

effusi. C. *adfusi*. v. 550. *denat*. C. *denas*. recte. v. 555. *Insequitur*, *geminusque bibit* — C. *Effluit amborum geminus*, de qua lectione v. Barthium, cui assentior. v. 588. *lumine*. C. *numine*. vitiose. Sic saepe haec verba confusa sunt. v. Oudend. ad *Lucan. VII.* 199. v. 607. *Noscit enim vultum*. C. *vultu*. v. 609. *prosilis*. C. *prolicit*. placet vehementer. v. 614. *Quo*. C. *Quas*. v. 631. *Qui leto dedit ense patrem*. C. *Qui laeto fodit* — vid. Barth. Et quidni ita dicere liceat cum saepius *enfers feri, scelerati, violenti, saevi*, occurrant? v. 644. *vinctet*. C. *vincit*. saepe enim in vaticiniis res futurae quasi praesentes proponuntur, ut docet Burmannus ad *Ovid. Ep. V.* 117. & *Met. II.* 646. Notum est carmen Horatii *I.* 15. ubi Nereus, futura vaticinans, praesenti tempore utitur, ut *obeu quantus equis, quantus adest viris* &c. atque ita praesens tempus ponitur pro futuro. v. Spanhem. & Kuster. ad *Aristoph. Plut.* 65. & 70. v. 653. *geminas*. C. *gelidas*. non probō. indicat enim poeta duorum annorum spatium. sed saepe hae voces confunduntur. v. Burm. ad *Ov. Met. VIII.* 716. ubi etiam hunc Statii locum laudat. v. 674. *Natalesque rogi*. C. *Fatales*. sed praestat omnino vulgata. Magnum certe acumen quaesivisse videtur poeta his duobus verbis compositis, ipsa alias rerum natura disjunctis. v. 690. *voluntas*. C. *voluptas*. v. 699. *fitis arida*. C. *igneas*. quod, ut maius & potentius, melius videtur. v. 702. *tenerique* — *seges*. haec desunt in codice. v. 704. *amnes*. C. *amnis* — *natatos*. C. *natatus*. vulgata tamen longe pulchriorem imaginem efficit. Hi duo versus picturam exhibent, Apellis penicillo expressam. Atque talia occurrunt non pauca in Statii opere. Utinam in totius operis descriptione tam felix

felix fuisset. v. 712. *advolvens*. C. *adverrens*. v. 714. *suetus*. C. *notus*. hic sequuntur in MS. hexametri septem. Indicat *egeon* *deceptus* *imagine* *ripe*... it *hyperionios* *cum lux effraena per orbem* *Rapta* *fuit phaeontis equos magnumque laborem* *Discordes* *gemuere possi*, *dum pontus & arma stellarumque ruunt* *crines*, *non maribus undae non lucis mansere comae* *sed multus ubique* *Ignis*, *ubique faces & largi fluminis instar*. &c. quibus versibus facile nos carere posse existimo. Sed iudicent peritiores. v. 755. *corpora*. C. *robora*. v. 774. *optatis*. C. *oblatis*, ut saepe, vid. Burm. ad Ovid. *Met.* III. 246. v. 789. *renidens*. C. *renitens*. non puto tamen vulgatam deferendam esse. Caeterum totus hic locus de infante pulcherrimus est. Confer cum eo Homer. *Il.* Z. v. 466. sequ. v. 833. *reportat*. C. *repostas*. vitiose, quantum iudicare possum, nisi velis seriem verborum hanc facere: neque enim tibi cana bruma refundit nives repostas, id est, veteres nives in montibus positas & a sole liquefactas. Verum non placet sic. v. 843. *defensas*. C. *defessas*. male. haec mutatio frequens. vid. ad *Lucan.* VI. 84.

LIB. V.

V. 43. *Imo agetum* (*primi* — C. *Inmo age* (*dum primi* — non inveniuste. v. 67. *Vulgarent*. C. *laetarent*. v. 105. *& pellite sexum*. quod magis placet. notum illud Horatii: *Naturam expellas furca* &c. add. *Lucan.* V. 166. *non unquam plenior artus Phoebeador inrupit Paeon*, *mentemque priorem Expulit atque hominem toto sibi cedere iussit Pectore*. at infra v. 397. *redeunt in pectora sexus*. v. 122. *pariterque*. C. *partemque*. v. 137. *adversis*. C. *aversis* quas voces semper fere a librariis confundi obser-

observamus. vid. Gronov. ad *Senec. Med.* 10. & adde longam disputationem Heinsii ad *Ovid. Her.* VII. 4. sic infra v. 641. ubi adverso dederat profecta tonanti habet noster cod. *averso*. v. 146. *ostia C. hostia*. v. 208. *Evinctum C. Et vinctum*. v. 212. *incertusque C. incertumque* nempe quem non agnovit. v. 224. *chorosque C. torosque*. v. 229. *tum C. cum*. vid. *Obs. Misc.* p. 265. v. 293. *sed & C. Sedet*. unde nullum sensum elicio. v. 304. *Exturbare C. Et turbare*. v. 309. *non arva viri, non aequora vertunt C. vertunt*. quod probat Barthius; male, miror certe, virum, qui tam diligenter veteres scriptores legit, hanc caussam addidisse: *opus enim verbo, quod & aequorum & terrarum usum habeat secum, in quo illud mancum est altero*. Quomodo ignorare potuit, saepe veteres notionem unius verbi propriam ad duo extendisse? vide quae diximus paullo ante ad *L. IV.* 337. & adde Duker. ad *Lio. I.* 33. 6. *II.* 11. 3. Burman. ad *Quintil. Inst. Or.* VI. 1. *Cōt.* ad *Salust. B. I. XVII.* 3. XXXVIII. 9. & alibi. Retineamus igitur vulgatam lectionem. Formulam *aequora verrere* multis illustrat Heins. ad *Ov. Amor. I.* 9. 14. & Drakenb. ad *Sil. XIV.* 263. v. 318. *ne C. si*. v. 329. *iurare C. vitare*. nescio unde haec lectio irrepserit. v. 371. *terris C. terrae* v. *Obs. Misc.* p. 266. v. 395. *fulmine C. lumine*. v. 441. *Ardet iter C. Audet*. quam lectionem recte probat Barthius. Similis constructio infra *X.* 425. *ego bella audere coegi*, apud *Lucan. IX.* 187. *in superos audet convicia vulgus*. & sic saepissime. vid. Gronov. ad *Liv. XXIII.* 14. 3. *Ardere & audere* confusa esse observat etiam Burman. ad *Claudian.* p. 57. v. 458. *generastis. C. generatis*. v. 476. *stata C. strata*. v. 569. *tua C. mihi*. v. 575. *hostia C. alta*, quod placet. Paullo

enim ante praecessit *hasta*, ad quod verbum hoc apte refertur. — *vota C. tota*. recte. v. 587. *libavit. C. libavit*. falso. fulmen quidem librari dicitur, non vero aliquid librare. v. 597. *tenera C. tenuia*. vid. Heins. ad *Ov. Met. IV. 221*. v. 668. *Mitior C. mitius*. v. 678. *habeas C. habeasque*. quod fortius videtur. p. 710. *funera voto C. munere voti*, quae lectio non ineptum sensum efficit. v. 715. *testa C. regna*. v. 732. *accessit C. accessus*. Sic etiam in *O. M. p. 320*. v. 733. *lectique C. laetique*.

L I B. VI.

V. 30. *sedet C. sedet*. v. 63. *hinc. C. hoc*. v. 70. *rogo C. thoro*. vtram vero lectionem eligas, idem esse videtur. *thorum* enim vocari lectum, in quo mortui efferebantur satis notum est, & docet Heinsius ad *Ovid. Am. II. 14. 39*. add. Kirchman. *de Funer. L. I. c. 11*. & Burmannum minorem, mihi usque ad cineres venerandum, ob dulces versiculos & pulchras picturas mihi dicatas, ad *Laß. El. de Phoen. v. 89*. Passim autem has voces confundi docet Burman. ad *Ov. Eleg. ad Liv. Aug. 464*. v. 71. *augentur funere C. augeſcunt munere*. quod licet bene explicari possit, tantis impensis in hoc funus collatis, iis maiestatem aliquam ac magnitudinis speciem conciliari, videtur mihi tamen vulgata praefenda esse. Puto enim, si recte Statii indolem perspexi; illum *vñ augentur funere manes*, nescio quid acuminis quaesivisse verbis coniunctis, alias sua natura sibi oppositis. v. 88. *abscissam C. accissam*. v. Duker. ad *Flor. II. 2*. & Drakenb. ad *Sil. XV. 473*. v. 109. *predit C. peregit*. vid. Barth. v. 117. *geruntur C. gerebant*. v. 169. *Iusta C. Iura*. Sed non opus est aliquid mutare. nam pariter noster *IX.*

818. certe tumulos *supremaque* vidis *Iusta* dabas & XII. 34. *Certamen qui iusta ferant, qui funera ducant.* vide haec & plura exempla apud Heinſ. ad *Op. Trist.* IV. 10. 80. & Oudend. ad *Lucan.* IX. 67. v. 184. *Sic fata C. dixitque*, quod probat Barth. v. 188. *advexit. C. avexit.* v. 205. *nefasto. C. nefastor.* v. 214. *surgit C. urget.* v. 223. *velantibus C. vibrantibus.* v. 227. *multa gemunt* — usque ad v. 233. *armis.* defunt in cod. & recte quidem. v. 242. *accelerante manu C. acceleraſſe manus.* v. 270. *ingens C. angens.* quod placet, dicit, *Herculem Leonem pectori adstrinxisse*, & ita anxisse. v. 274. *Laetus C. Levus.* v. 318. *nec — nec C. ne — ne* non male: ita, ut haec verba orationis rectae initium sint, v. 380. *vols C. volo.* v. 391. *decora ampla C. decorique.* v. 409. *e summo — monte C. in summos — montes* pessime. v. 415. *valebat C. volebat.* v. 456. *Inflicti C. Inflecti.* v. 471. *eieciat C. inieciat.* perperam. v. 492. *favoris C. favori.* v. 495. *monstri C. monstra.* p. 511. *Effulsere* &c. compara cum hoc Statii loco laudata loca a Dorvilio ad Chariton. p. 16. v. 583. *Exstimulant C. Instimulant.* v. 594. *leves C. leve.* v. 599. *impasti C. infausti.* quae lectio mihi valde aridet, etsi non ignoro, hoc epitheton saepissime a poetis leoni tribui. Sed nonne si dicamus, audiri procul fremitum leonis, satius est *infausti* addere, quam *impasti*? Nam quemadmodum hoc bene ponas, si leo v. c. impetum in greges faciat, ita quomodo e fremitu intelligi possit, leonem impastum advenire, non video. Denique mihi facilius librariis vox satis nota & quasi communis, quam haec rarior & exquisitior in mentem venire potuisse videtur. De ipso verbo *infaustus* v. Barth. ad *Tibull.* IV. 749. Turneb. *Advers.* XVIII. 11. & Broukhuf. ad *Tibull.* II. 5. 80.

Similiter *infelix* usurpatur de eo, qui alios infelices reddit: Ovid. *Met. IV.* 489. *Obstinuit infelix aditumque obsedit Erynnis.* adde Liv. *III.* 48. & pariter *felix*; qui felices reddit alios: v. Cicero. *Phil. II.* 26. Liv. *IV.* 2. v. 617. *metas C. portae.* infra v. 641. *Irrupit clamore fores.* v. 627. *Consilium C. Concilium.* quae lectio bona est, atque etiam confirmari videtur optimo libro Barthiano, qui habet *Cunctantur.* hae voces alias saepe confunduntur v. ad Ovid. *Ep. XVII.* 268. & *Art. I.* 353. v. 629. *latus hoc C. litus.* nisi me offenderet nimis auribus meis molesta repetitio eiusdem soni: *compscite, litem, iterum, ite, limite, Idae,* putarem, hoc verbum non negligendum esse. v. 631. *savent C. parent.* Falso. verbum hoc e glossa ortum esse cuius patet. v. 642. *pressaue C. prensaue* utram lectionem eligas, idem prope erit. Sed cave locum hunc intelligas de manu Adrausti a Parthenopaeo pressa, quam interpretationem miror cuiquam in mentem venire potuisse. v. 664. *redis C. rediit* vid. Barth. v. 706. *monet C. monet.* quod illo melius videtur, tarde enim ad certamen progreditur. v. 741. *Matoriem C. Materie.* v. 743. *nudus C. nudum.* v. 760. *iactu C. traktu.* v. 767. *reicit C. enicit.* v. 773. *instatque C. intratque.* v. 775. *ferentem C. furentem.* v. 776. *minatur C. minatus.* v. 778. *Advocat C. Avocat.* v. 786. *multiplicatque manus.* recte Schöb. interpretatur ictus manuum, ut pluribus docet Burman. ad *Quintil. Inst. Orat. V.* 13. p. 476. v. 836. *improbis C. arduus.* Sed de proceritate Agyllei iam iam aliquoties dictum est; immo paullo ante v. 833. iam adfuit: *levat ardua contra Membra.* *improbis* vero explico audacem, arrogantem, pluraque, quam fas est, sibi tribuentem. vid.

vid. Duker. ad *Flor.* III. 10. 17. & Oudendorp. ad *Lucan.* VII. 760. qui de hac verbi huius significatione pluribus egerunt. adde etiam Burman. ad *Petron.* C. 83. Omne enim, quod modum excedit, *improbum*, dici Latina lingua & notum est, & docet etiam Salmas. ad *Tertull. de Poll.* p. 184. Convenire hoc epitheton Agyllaeo cum res ipsa docet, tum etiam indicantur v. 840. *inde haec audax fiducia tantum Oenidae superare parent.* Barthius, qui haec de Tydeo dicta esse putat, & poetam incogitantiae, accusat, dormitasse videtur. Nihil enim ipsum locum inspicientibus hac nostra sententia clarius erit. v. 848. *Vana C. Clara.* v. 852. *Vrgentes C. Vrguentes.* ut semper: de qua scriptura consule Drakenb. ad *Sil.* VI. 265. & Cortium ad *Sallust.* B. I. c. 24. v. 899. *pressus C. pedus.* v. 931. *rerum C. regum.* Sed a manu secunda.

LIB. VII.

V. 19. *iusta C. busta.* Similis varietas apud *Lucan.* IX. 67. Sed & *sedere* & res ipsa requirit *busta.* v. 42. *adverso C. averso.* v. 59. *Pene C. Pone.* Sed a manu secunda. vid. Barth. v. 74. *diriguit C. deriguit*, ut saepissime. vide omnino Oudend. ad *Lucan.* I. 246. v. 104. *vovebat C. volebat.* eadem varietas a viris doctis observata ad Ovid. *Met.* IX. 362. & alibi. Sed cum de voto regis sermo sit, recte Barthius illud praetulit. v. 112. *quaecunque libet C. quacunque velit.* Sed prior vox aperte corrupta est. nescio tamen, cur nos Barthius post haec verba distinctionem ponere iubeat. Nam possis haec etiam, & fortasse melius ad sequentia referre; nempe ad omnia

credenda, quae velit, sive jubeat credi &c. v. 125. *estne C. autem.* Barthius probabat hanc lectionem, & mirifice repetitionem syllabae non lenis rei asperitatem augere putabat. Mihi autem, neque tantam rei asperitatem observare licet, neque molestissimum sonum laudare iubet. Sic sumus homines. nulla in re aegrius convenimus, quam quae aurium iudicio definiri debeat. v. 134. *contorsit C. concussit.* quod placet. Requiritur enim sonitus quidam & fremitus, quo excitentur Argivi, quemque exaudiant. Apud Lucan. IV. 102. est: *Subitisque frementes verticibus contorsit equos.* Sed merito ineptam lectionem reiiicit vir elegantis doctrinae, Oudendorpius, *vñ in αἰγιον,* & bene substituit *aquas.* v. 138. *Martis C. Mortis.* v. Obs. Misc. p. 331. v. 158. *iaculatum nubibus C. iaculatus nuriibus:* perperam. v. 183. *imis C. unis.* quae permutatio frequens. v. Drakenb. ad Lib. IV. 112. v. 190. *placidus C. placitus.* bene. vide omnino Heins. ad Ovid. Ep. XIX. 208. v. 213. *lustra C. iussa.* v. 257. *ora C. ore* non bene. v. 260. *sylvis C. virgis.* v. 262. *Qui C. cui,* ut etiam Barthius legit. v. 271. *plebes C. pubes.* Drakenb. ad Sil. VIII. 271. v. 317. *Fontibus C. Pontibus.* nihil melius, ut iam Barthius vidit. Nam *to fontibus* minime convenit *τῶ abruptis.* v. 334. *abit quaque C. habet teque.* v. 345. *labida C. lebadia.* v. 347. *Aenemoraeam C. animoriam.* v. 363. *voluptas C. voluntas.* falso. v. 374. *rektor C. ductor.* Sed sequitur statim v. 376. *ductor.* v. 445. *obstant C. instant.* v. 524. *quidve ista C. quid vestra.* male. sua enim ubera ostendit. v. 533. *avibus C. avidus.* Sed videtur illa lectio in editione Lindebrogiana ex errore typographi orta, cuius multos observavimus passim similes. v. 534. *omnes C. oeu.*

C. oculus. v. 575. *cibos C. dapes.* quod fere idem est. sed cum etiam vini mentio fiat, nonne melius videtur *τὸ dapes?* vid. Cl. De Rhoer in *Fer. Daventr.* L. I. C. 7. v. 594. *ferro C. telo.* v. 601. *manent C. mallent.* recte. v. 608. *eccē gravi C. & grauium.* vid. Barth. v. 613. *Nunc C. Num.* vid. Obs. Misc. p. 336. v. 634. *iuvēnis C. iuveni.* Lucan. VII. 318. *ne caedere quisquam Hosti terga velit,* quod probat, quem vidē de hac constructione Burm. ad Ovid. *Met. VI. 659. caput Philomela cruentum Misit in ora patri.* add. Oudend. ad Lucan. I. 193. v. 690. *Eminet C. Imminet.* v. 707. *fragrante C. flagrante.* Lucan. VII. 559. *atque animis ignes flagrantibus.* addit. & 383. *tam moesta locuti Voce ductis flagrant animi,* quanquam paulum diversus hoc loco verbi huius sensus est. v. 737. *iaculum C. iaculo.* quanquam a manu secunda — in *Hersen C. inertem.* iudicent viri docti. mihi nunc quidem nullum exemplum *τὸ deſorquere* pro deturbare, deiicere, succurrit. v. 746. *arma C. arva.* quod rectum videtur. v. 772. *longam C. largam.* v. 800. *muri C. muris.* v. 805. *contempto C. cento.* perperam. v. 811. *Exedit. C. Excedit* forte non inepte, si dicas: hanc notionem iam inesse *τὸ terendo.* *Excedere* cum casu quarto frequenter positum est, ut docent Heins. & Burm. ad *Op. Met. II. 517.*

LIB. VIII.

V. 5. *atris C. artus.* unde nullum sensum elicio. v. 15. *ulteriore C. inferiore.* v. 35. *Admoet C. Admonet.* quod illi praefero. v. 48. *Arcada nec C. Accedam &.* Sed clarum est, nomen Mercurii requiri. v. 51. *vorticibus C. verticibus.* vid.

Drakenb. ad *Sil. III.* 475. & quos ibi laudat, atque Oudend. ad *Lucan. I.* 371. idem esse utrumque docet Burm. ad *Claudian. p.* 55. v. 71. *rapidarum C. rapidarum.* ut saepe, vid. Burm. ad *Claudian. p.* 32. v. 89. *Vita C. vitta recte.* v. 90. *Si licet. C. Scilicet.* blanditur nobis haec lectio. nam quod statim sequitur *fas est* idem significat, quod *licet.* v. 110. *aperto C. aperto* vid. Barth. v. 156. *repugnant C. ruuntque.* apage. v. 162. *remissa C. permissa.* recte. formula satis nota est. v. 186. *vocasti C. vacasti.* Ovid. ex *Pont. III.* 1. 142. *Corporis ad cultum vix vacat illa sui.* & ibid. *III.* 3. 36. *In nullum mea mens grande vocavit opus,* vid. Heinss. ad *Op. Amor. II.* 6. 30. v. 191. *parcus C. parcas.* vid. Barth. v. 220. *marcens C. marcent.* recte. v. 226. *tempore C. pectore.* v. Obs. Misc. p. 341. v. 227. *fata C. facta.* v. 305. *animasque C. animarum.* v. 308. *que viros C. vires.* v. 326. *veninus C. veniemus.* v. 368. *alas C. aras.* v. 376. *Admonet C. Admovet.* v. 378. *amicu C. biatu.* quam lectionem multis exemplis confirmat Barth. v. 384. *Armipotens C. Bellipotens.* v. 389. *Conantur C. Conatur.* Sic *Sil. V.* 256. *Subsidensque ilia nixa Conantis suspensa fodit.* vid. Heinss. ad Ovid. *Met. XII.* 342. Sic etiam Statius noster non semel. exempla congeffit Barthius ad *VI.* 804. v. 420. *Sese C. Saepe.* v. 444. *Progrediens C. Pregrediens.* v. 457. *Aemon C. heros.* v. 468. *ictu C. actu* v. ad *II.* 9. v. 485. *obsessum C. obversum.* an ita hoc explicabimus. ut apud Ov. *Met. XII.* 467. *faciemque obversus in agmen utrumque Armatae concussit &c.* v. 507. *foves C. voces;* & *vo-ves* a manu secunda — *Hylum C. illum.* v. 522. *pudor C. pudet.* v. 580. *inspectis C. positis.* Novi *ponere* esse frequenter idem quod *disponere.* Sed quid

quid *disponere astra* sit, ignoro. Certe, non memini me similem formulam legeré. An sic est hæc formula explicanda, ut illa: *calculus ponere?* de qua vid. Burm. ad *Petron.* C. 101. v. 553. *musæ C. mutæ.* v. 557. *Adversatus C. Aversatus.* Sic sæpe variant codices. v. ad *Ov. Fast.* I. 5. v. 627. *intulit C. attulit.* v. 631. *Omnia C. Omina.* v. 657. *volant C. volunt.* bene. v. 688. *ubi C. ibi.* v. 692. *oppresso C. adpresso.* quæ lectio non multum diversa est ab illa, quam Barthius probat: *impresso.* v. 702. *vovent C. movent.* Sed dicit poeta, unum illum ab omnibus telis petitum fuisse: compara similem locum Homeri *Il. A.* 126. *ἀλτο δ' οἶστος Ὀξυβελῆς, καὶ δμῖλον ἐπιπτόεθαι, μεταίτων.* & noster *XII.* 595. *Sicut meritos etiamnum hæc hasta cruores.* add. v. 750. v. 722. *solunt C. miscunt.* Viraque formula sæpe apud veteres Scriptores occurrit.

L I B. I X.

V. 21. *peragant C. pergant.* quam lectionem nescio cur *explodendam* esse censeat Barthius. nam si recte locum consideres, eundem fere sensum elici videbis, quocunque modo legas. Hæc verba alias etiam confusa esse docet Burm. ad *Ov. Fast.* I. 188. v. 23. *mirantur C. miserantur.* Sed illud hoc loco præstat. vid. de hac varietate Oudend. ad *Luc. IX.* 832. v. 44. *seu C. cens recte.* v. 53. *Quando* — deest in codice Lipsiensi. v. 60. *bunc C. hoc.* nimis calide Barthius *ineptire* dicit libros, in quibus hæc lectio. Nonne enim factum, aut seelus, aut aliquod simile verbum facile subintelligi potest? Sensus profecto idem foret. v. 71. *ni C. num.* v. 89. *collecta C. colla-*

lata, quod recte reiicit Barth. similis varietas notata ad *Ov. Fast. V. 311. v. 123. Turba C. Turma. v. 141. Terque trabunt C. Ter retrabunt. v. 148. retexens C. recensens*, vid. Obs. Misc. p. 449. ubi laudatur Gronovius. *v. 157. Ille C. Illa*, quod probatur ibid. p. 344. *v. 162. versare C. lapsare. v. Barth. quamquam illud satis frequens est poetis. vid. Oudend. ad Luc. VII. 605. Viderat in crasso versantem sanguine membra. v. 178. inerat C. aderat. v. Barth. v. 187. infesta C. infecta. quod omnino bonum est. v. 209. tumido C. timido. falso. est enim quasi superbus hic equus, & ideo neminem, praeter Tydeum, patitur, at de v. 217. tumidumque equitem post Tydea portas non dubitabo meam coniecturam exponere. Nam quoniam & *v. tumidus* statim adfuit, & *v. 212. nusquam tibi dulce superbi Regis opus*, offendit iterum positum hoc verbum. Puto Statium scripsisse *timidum*. Antea portasti Tydea, fortem heroem, nunc sequere, ne posthac ex hostibus *timidum* aliquem homuncionem portare debeas. Non inepte mihi sic hunc locum restituisse videor. *v. 223. inopinaque C. nec opinaque. v. 247. Eminent C. Emicet. v. Oudend. ad Luc. V. 76. v. 308. parva C. prava. perperam. v. 318. depellere. C. defendere. Haec est vera lectio: illa autem a manu hominis perfecta, qui minus vulgarem significationem huius verbi pro arcere sic explicare voluit. Quis ignorat Horat. I. 17. igneam defendit aestatem capellis. Sed quid cumulemus exempla? vid. praeter alios Stevvech. ad *Veget. III. 21. v. 342. Deum qui C. Deumque. v. 343. irrumpis C. irrumptit. v. 352. rupe C. valle. an ita capiamus, ut supra V. 523. vacuis fluviolorum in vallibus errat? & video Burmannum ad *Ov. Met. II. 256.****

exponere de alveis fluviorum. quia inter duas ripas vallium speciem habeant. v. Cl. De Rhoer. in *Fer. Daventr. L. I. C. 7.* v. 406. *annis C. annus.* recte. bene enim notat Barthius *annum* designare proventum annuum, sive largam messem, ut nos explicamus, & fertilitatem. vide de hac significatione Gronov. *Obs. IV. 5.* & quos larga manu dat Oudend. ad *Lucan. III. 68.* ubi etiam notat, saepe hanc vocem hoc sensu abiisse in *annis.* v. 413. *tumido C. tumulto.* vitiose. v. 474. *tenet C. natant.* male. v. 478. *famulate C. famulante* a manu prima. v. 483. *trunca sed C. truncas* in — *quercu C. quercus.* v. 495. *qua C. quas.* v. 497. *quam C. qua.* v. 532. *Procumbis C. procubuit* a manu prima. v. 541. *casside C. cuspide.* praefero illud, quoniam statim sequitur, Hypeum galeam in gladio circumtulisse. Alioquin dicendum foret, illum cuspide gladii galeam solvisse. Permutatio similis notata est ad *Ov. Fast. III. 8.* v. 552. *que per aerea C. per & aera.* quod proxime accedit ad Barthii lectionem. v. 572. *plantis C. palmis.* v. 587. *Eiectam C. Electam* — *colendum C. colendo.* id est, cultum illi, quasi numini cuidam exhibuit, & hoc cultu quercum reddidit sacram. v. 600. *Abrupere C. Abripuere.* fere a secunda manu. v. 612. *non unquam C. non nunquam.* v. 616. *animo C. aninum.* ut supra *Cadmeius heros. Adcurrit vultum deiectus,* & *tota perfusum pectora belli Tempestate videt.* Sed nihil frequentius. v. 617. *culpam C. crimen.* Barthius illam lectionem probat, & recte interpretatur stuprum & amissam pudicitiam. Sed sunt multa loca, ubi *crimen & crimina* idem notant. vid. *Burm. ad Ov. Met. VI. 131.* utrum igitur praeferamus? *ixixu.* v. 635. *precar. C. prior.* v. 691. *neverat C. no-*

*C. noverat. male. v. 699. gemmis. C. geminis. v. 705. micantes C. trementes. quod pluribus adstruitur in Obs. Misc. p. 347. v. 713. pro violata Christius coniecerat molita, quod neque capio, neque probo. v. 725. moriture C. petiture. v. 731. Decidit C. Effugit. v. 749. saevit in C. Saevius. v. 770. fugit C. figit a manu prima. v. 780. miseros C. meritos. v. 836. armigerum C. armiferum. iam recte observavit Oudend. ad Lucan. I. 48. nihil esse frequentius commutatione illa desinentium in *fer* & *ger*. sic in verbo *ensifer* saepissime codices variant. vid. Ovid. *Fast. IV.* 385. & *Art. II.* 56. etiam Lucan. I. 665. v. 840. *devicta C. evicta*. v. Obs. Misc. p. 349. v. 847. ita in cod. Lips. exhibetur: *Epitumque duces talepbaeque phalanges.* v. 850. *turmas C. furbas.* v. 900. *secandum C. fecatum.**

L I B. X.

V. 33. *flammam C. flammis.* v. 42. *infectis C. infesti.* v. 105. *sunt* — usque ad v. 111. *flammis* desunt in nostro cod. v. 121. *trucem C. trucidis.* v. 128. *dubius mixtusque C. dubium mixtumque.* v. 154. *repens C. recens.* Sed praefero verbum illud bonum licet saepissime a librariis corruptum. v. Gronov. ad *Liv. VIII.* 29. &, qui plura exempla dabit, Heins. ad *Ov. Met. XII.* 61. v. 160. *nudus C. nullus.* Sed a manu secunda, perperam. frequens haec varietas. vid. Burman. ad *Ov. Amor. I.* 8. 113. v. 161. *tendit C. reddit.* non capio. at si vulgatam teneas, pulchra est imago hominis furibundi. v. 161. *ferro C. furor.* a manu secunda, unde Christius coniecit, *servor.* Sed nihil opus est mutare quidquam. v. 283.

v. 283. *pacata* C. *placata*. Heinſius ad Ov. *Met.* VIII. 845. *implacataeque* *vigebat Flamma* *gulas*, ubi etiam quidam codices habent: *impacataeque*, *τὸ placare* probat. variisq. exemplis confirmat. v. 285. *facta* C. *fata* a manu prima, sed vitioſe. v. 305. *Proturbat* C. *Perturbat*. vid. Drakenb. ad *Sil.* IX. 447. Iure Barthius notat hyperbolen immanem. Per Deum! quomodo ſanguis & vinum talia efficere potuerunt? Venit mihi in mentem locum ſic emendare: *Pro turbat*, quod tolerabilius foret. nempe ſanguine infectam & commaculatam eſſe menſam. Sed ſequētia obſtare videntur. Quare dicamus potius Statium, ut ſaepe, poetice, non humane locutum eſſe. v. 431. *Somnum* C. *ſummum*. unice vere. v. 432. *turbarem* C. *turparem*. v. 433. *emimus* C. *quimus*, a manu prima. — *ſic* C. *ſi*. perperam. v. 473. *exteris* C. *exeris*. falſo. Phaedr. I. 21. *Aſinus ut vidit ſerum Impune laedi*, *calcibus frontem exterit*. Sed vide plurima exempla congeſta a Heinſ. ad Ov. *Amor.* I. 9. 12. v. 522. *Et ariete* C. *artata*. non probonam quidquid Barthius dicat, *trabes ſonoras* concoquere nequeo. Neque tamen locum ita expli- co, ut vet. Schol. per *faxa trabibus vincta*, ſed potius ſic: eos & trabibus & ariete faxa diſſicere conatos eſſe. verum ſi *τὸ Et* retineamus, claudicat verſus. Abſtinebo tamen manus, ne forte violentiorem medicinam faciam. v. 531. *fenestras* C. *faretras*. male. Statim enim *faſtigia* commemoravit poeta. v. 570. *exegit* C. *prorexit*. ubi notavit Chriſtius Scholiaſten interpretari: *provocavit in iram* vid. Barth. v. 664. *pubet* C. *plebet*. v. 678. *fixum* C. *feſſum*. Si hoc probas, intelligere debes de Maenoepeo, tot caedibus feſſo & deſatigato: ſin illud, de Agreo Pylio, quem hic

modo interfecit. v. 707. *timidus* C. *tumidus*. male dicit: non ego timore, patrum in filiorum periculis proprio, hoc suadeo &c. v. 726. *ferenti* C. *furenti*. Sed falso. id quod e sequentibus, leviterque vebant, clare apparet. v. 729. *Aecbiona* petam C. *Aetigna* repetam. v. 742. *Deferat* C. *Deferat*. Novi quidem *Deferre* notare etiam secum abripere detrahere, cuius significationis exempla dabit Drakenb. ad *Sil. IX.* 395. sed nescio an, quod Barthius putat, huic loco hic sensus aptari possit. Ipsum locum attente considera. Dicit Statius hastam redire sanguinolentam. Atque malim credere, pro *non deferre* aliud verbum, quod *percutere*, *perforare*, notet, scriptum fuisse. Sed non acriter pugnabo. v. 765. *attonitis* C. *attonitus*, quod ob statim sequens verbum vatis magis blanditur. v. 774. *fecit* C. *Flectit*. nempe illum tantum secum corpus inclinasse super acies, nondum defluisse. Quod ideo magis arridet, quia non cecidit, sed virtus Pietasque corpus detulerunt. v. 783. *Conditur* C. *Conditor*. vere. vid. Barth. v. 794. *alternis* C. *alterni*. v. 802. Noli *proavum* pro accusativo accipere, nihil enim communi interpretatione facilius & sanius. *effloruit* paullulum quidem audacius positum est, sed non male: Terram, quae alioquin flores pariat, peperisse arma. v. 816. *tepidi* C. *trepidi* vitiose quidem hoc. Sed quomodo illud explicabimus? an sic? adhuc tepidum esse saxum a catulis, qui in eo cubare soliti. v. 830. *fama* C. *fata*. v. 853. *nulla* C. *una*. perperam. ideo dicit illos saxa, robora &c. deiecisse, quoniam in iaculis & sagittis nullam spem posuissent. v. 869. *mentita* C. *moritura*. v. 873. *Destruit* C. *Restruit* v. 874. *labant* C. *debant* — *dissepto* C. *discepto*.
v. 926.

v. 926. *Intra* usque ad v. 928. *tractat* desunt in cod. Lipsiensi. v. 931. *Ne C. Nec.* quod verum est. Ineptus Scholiastes Barthianus cum suo, *ne supinus caderet*; melius Lactantius.

LIB. XI.

V. 21. *ferrumve C. aut ferrum mortale* unde coniecit Christius: *Nec turmae hostiles ferrum aut mortale timetur.* quae emendatio, notante Barthio, etiam Lindeborgio in mentem venit. v. 24. *tonant C. premunt.* apage. v. 46. *astris C. alto.* v. 58. *fraterna cludere C. fraternaue ludere.* v. 59. *fidit C. retur.* v. 62. *consedit C. concedit.* v. 73. *profundae C. profundi.* Lucret. V. 418. *Fundavit coelum Et terram pontique profunda.* v. 75. *innixa C. innexa.* v. 86. *foedantem C. foedatum.* v. 131. *caelo C. soli.* placet valde, namque neque solem tam triste & infandum spectaculum adspicere debere. Si etiam subtilius quaeras, notio *no coeli* iam latet in *no Coelicolae.* v. 141. *aeger conciliis C. consilii.* v. Gronov. ad Liv. XXX. 15. v. 153. post *utro* est in cod. *proprium*, ita ut pes abundet. v. 163. *nempe. C. namque,* ut saepe. vid. ad Ov. Met. II. 474. v. 164. *verere C. venerere.* v. 175. *ego me C. egomet.* falso. v. 186. *spiciens* — deest in cod. Lipsi. v. 191. *neges, urnaque reponas. C. tegas urnamque repones.* optime. *no raptum* cum ad alites tum ad fratrem refertur, & ideo distinctio post *Alitibus* est tollenda. Ultima sic explicari debeat: urnam, in qua cineres sui conditi sint, exportari atque ad Mycenae deferri debere. v. 254. *effert C. offert.* v. 256. *vaccas C. vallas.* v. 257. *Non C. Nec* — *regi. C. regni.* v. 272. *stat. C. sat.* recte. v. 283. *Sors C. Fors.*

C. *Fors.* vid. supra. v. 285. *ratum* C. *ararum*. vid. Barth. v. 286. *lassas* C. *iussus*. recte. est illa lectio iterum, ut saepe, ex errore typographi orta. v. 287. *vacatus* C. *vocatus*. Christius coniecit, *vadatus*, quod non probo. Lucan. III. 336. *Vel cum tanta vocent discrimina Martis Hiberi*. vid. Drakenb. ad Sil. X. 112. v. 291. *iube* C. *inbet* — hic O. *binc*. v. 296. *audis* C. *audes*. v. 299. *Fata* C. *Facta*, a manu secunda. v. 301. *taret* C. *latet*. v. 336. *alternos* C. *alternus*. venustius. v. 362. *aspice turrim* C. *respice turrem*. v. 415. *Abstulit* C. *obstitit*. Falso Minervam dicit recessisse. v. 453. *miserabile* C. *venerabile*. v. 459. *Non habitu* — deest in MS. Sed perperam. v. 469. *vacarent* C. *vacabant*. Quod si probas, explicabis: eo tempore, quo tantummodo Deucalion & Pyrrha in terris erant, neque praeterea alius quisquam vixit, melior fuit rerum conditio. v. 471. *Auxilium tentemus* C. *Auxilio tempus*. Sed claudicat versus. Licetne ei coniectura succurrere? Emendo autem sic: *speculataque tempus, Auxilio nunc tempus ait*, aut, ut Barthius voluit, *Auxilio* ad praecedentia retrahamus: s. t. *Auxilio, nunc tempus ait*. Quam facile *um* & *nunc* permolari potuerunt & coalescere? de vi particulae *nunc* v. Heinf. & Butm. ad Ov. Met. VII. 332. *Quid nunc dubitatis inertes?* & ad Epist. Ov. XVIII. 95. v. 504. *effuso* C. *effuso*. vitiose. v. 515. *esse* C. *ille*. v. 557. *an* C. *non*. bene. v. 571. *stat* C. *inflat*. quod sic explicandum erit: si nobis subeundum est iudicium Minois & Rhadamanti: si nos expectat, nobis imminet urna &c. v. 604. *muta* C. *multa*. Virgil. Aen. V. 242. *Ipse ratem nocturnis rexit in undis Multa gemens*, Stat. XII. 55. *queritur miserabile Graium nuda cubors*. & sic saepissi-

piissime. v. 640. *prorupit* C. *Perrumpit*. v. 641. *lectus* C. *pectus* v. 647. *legebat* C. *ligabat*. v. 742. *Sylvae montesque tremebant* C. *Silvaeque amnesque premebant*. Sed probare hanc lectionem nequeo. Nam primum non intelligo, quid sibi velit *re premebant*, cuius nullus hoc loco sensus est. Deinde *montes* quidem puto leonem timere dici posse, non vero *amnes*, quibus nullum damnum adfert. v. 746. *peractas* C. *solutas*. non male, ut puto. *Ov. Met. VIII. 712. annis aevoque soluti*, *Lucan. II. 559. licet ille solutum Defectumque vocet*. v. *Burm. ad Petron. C. 111. p. 669.*

LIB. XII.

V. 1. *vigil* C. *viduo*. fortasse non male. Nam quemadmodum *Virg. VIII. 571. multis viduasset civibus urbem* dixit, ita etiam *Statius* se cælum, in quo nulla astra luceant, *viduum* appellare posse putavit. v. 9. *primo* C. *primus*. v. 11. *vacantibus* C. *vocantibus*. non aptus sensus. in campis dicit nullos hostes videri: eos vacuos esse copiis &c. v. 15. *prospicuae*. C. *perspicuae*. male. v. 20. *turma* C. *turba*. v. 30. *Scapulis* C. *capulis*. recte. v. 32. *Nulla* C. *Mille*. a manu secunda. v. 45. *fruuntur* C. *feruntur*. Non cepit elegantem usum verbi *frui*, qui hanc lectionem commentus est. vid. *Barth.* v. 66. *Accubat* C. *Occubat*. *Christius* adscripsit: recte, quia primum corpus in toro. v. 72. *magnanimie nimius* C. *magnanimus tanta*, v. 81. *non si* C. *nec sic*. v. 101. *iuvisse* C. *ussisse*. v. 108. *pectora* C. *corpore*. v. 134. *adversos* C. *aversos*. recte. dicit enim vias remotas, ignotas, abditas, qui sensus huic verbo inest, ut docent *Gronov. ad Senec. Med. v. 10. et Ovidend. ad*

Lucan. VIII. 337. & III. 345. *Vndarum raptos
aversis fontibus haustus querere*, ubi similis est va-
rietas. v. 141. *bianti C. inani*. vitiose. infra v.
346. *quanto descendit vulnus biatu*. v. 168. *pallore
gelati C. notati*, ut apud Ov. Met. IV. 329. *pue-
ri rubor ora notavit* & VI. 46. *subitusque invita no-
tavit Ora rubor*. atque Amor. III. 6. 78. *Desit fa-
mofis, qui notet ora, pudor*. Sed praefero illud
verbum, ut magis poeticum, magisque Statia-
num. v. 222. *nec C. nil* — ore C. aure. v. 226.
lecto C. leto. v. 236. *Praeterit C. Praeter* & be-
ne. v. 297. *visus C. visu*. v. 359. *frater C.
quaerit*. perperam, ut puto. Nullum certe sen-
sum hinc elicio. v. 362. *Cum C. Quin*. v. 410.
Qui C. Qua. v. 427. *Sit C. Sed*. v. 423. *disfen-
suros C. discensuros*. Fortasse scripsit Staturus *dis-
cessuros*. dicit flammam in duas partes scindi. Sta-
tim infra: *exundant diviso vertice flammæ, & ipsae
etiam commoto pondere paullum secessere trabes at-
que cernisne ut flamma recedat*. &: *rogî discordis
biatus*. Dici vero posse puto, ut apud Lucan. III.
632. *Aequora discedunt mersa diducta carina*, ubi
Scholiaſtes notat: *discedunt* i. e. *dividuntur* & ad-
vocat locum Sallustii: *atque omnis Italia animis
discedit* & Virgiliû: *medium video discedere coelum*.
vide ibi Oudend. & ad II. 121. ibidemque mag-
num Grotium. Copioſissime vero de hoc verbo
agit Heinſius ad Ov. Faſt. III. 371. v. 438. *um-
bras C. umbrae*. v. 445. *inops aequi C. in obſequia*.
Sub quibus verbis fortasse bona & vera lectio la-
tet. Quid ſi putemus dictum eſſe a Statio *in ob-
ſequio*, ut frequenter occurrit *in armis, in veſti-
bus* &c. pro *armatus, veſtitus* &c. de qua peri-
phraſi vid. Drakenb. ad Sil. II. 132. & Corſium
ad Salluſt. B. C. 57. 6. ſed dubito valde, an ita
dici

dici possit pro obsequiosus. certe me non memini simile exemplum legere. Aut interpretabimur per adverbium? de qua vi praepositionis in vid. Reinesium ad Petron. C. 62. p. 410. v. 501. *ritu* C. *ritus*. v. 514. *priorum* C. *parentum*. v. 520. *curru* C. *curfu*. male. v. 536. *aperto* C. *aperto*. v. 556. *erant*, *omnes* C. *erat*, *homines*. *eademque* C. *eademque* in. v. 634. *umbra* C. *unda*. vitiose vid. Barth. v. 644. *Coepit* C. *Cetibus*. quod fortasse ortum ex *Coepitibus*, quod in quibusdam codicibus, notante Barthio, inventum fuit. v. 699. *Patris* C. *patriis*. v. 733. *Aedonos* C. *edomitos*. v. 751. *terrore* C. *temone*. v. 758. *timet* C. *tenet*. recte. — utque *aegra* C. atque *aegra*. v. 813. *novam* C. *novum*.

ERRATA TYPOGRAPHICA.

Pag. 27 *χρησιμ* pro *χρησιμ*. p. 5. in *Ibin* 421. utque pro in *Ibin* 423. usque p. 6. *Beil* pro *Bele*. p. 12. *Virgili* pro *Vergili* p. 13. *otiosum* pro *otiosum* p. 32. *lego* pro *lege*. *abstraxeris* pro *abstraxerit* p. 33. lin. 2. *illuc* pro *illuc* p. 35. lin. 17. *profecta* pro *profecto*. lin. 18. *margini* pro *margini* p. 36. lin. 23. *dipfar* pro *dipfar*. p. 39. lin. 10. *ir* pro *ir*. lin. 22. *fames* pro *tumes*. p. 43. lin. 3. *adv* *rat* pro *adv* *rat*. p. 46. lin. 33. *facta* pro *facto*. p. 60. lin. 5. *custodiant* pro *custodiant*. p. 63. lin. 21. *minar* pro *minax*. & lin. 22. *minax* pro *minax*. p. 71. lin. 1. *prohibebat* pro *prohibebat*. p. 75. lin. 2. p. 80. pro p. 20. p. 76. lin. 28. *Epod. XI.* pro *XII.* p. 86. lin. 7. *mensibus* f. *fontibus* pro *maribus*. p. 82. lin. 7. vs. 710. pro p. 710. p. 83. lin. 21. vs. 511. pro p. 511. p. 85. lin. 8. *inducatur* pro *inducatur* p. 86. lin. 6. *lubet* pro *lubet*. p. 88. lin. 13. *vocat* pro *vocat* p. 95. lin. 8. *Lindenborgio* pro *Lindenborgio*.

Ac.

VAM 1510575

*Accidit fortasse, ut, quoniam ipse specti-
minibus corrigendis praeesse non potui;
operarum errores commissi sint complures.
Horum ut pro amabili sua humanitate &
insigni harum rerum peritia indicem confi-
ciat, & cum viris eruditis communicet vir
illustris, atque humanissimus, PETRUS
BURMANNUS SECUNDUS, Iuris U-
triusque Doctor, Baro Santhorstianus, Histo-
riarum, Eloquentiae, Graecae Linguae &
Poeseos in Athenaeo Amstelaedamensi Pro-
fessor, Bibliothecarius, Gymnasii Visita-
tor &c. vehementer oro. Cui indici si, ut
nuper, fraterculi sui aurituli imagunculam
& versiculos, licet eos parum Latinos, li-
cet peccatis metricis, ut stellis, distinctos;
tamen quod sperare audemus, multis perfu-
sos conviciis, aut potius lepore & venusta-
te Burmanniana affluentes, addere volue-
rit, virum praestantissimum rem, cum gra-
tissimam nobis, tum sua humanitate elegan-
tiaeque dignissimam esse facturum profitemur.*